


A surreal landscape with a starry night sky, a rainbow, and silhouettes of people on a wooden pier. The scene is illuminated with vibrant colors like purple, blue, and green, creating a dreamlike atmosphere. The text is overlaid on the image in a stylized, outlined font.

رحلة نور الروح

للكتابة
نور البشرى



رواية نور الروح

للكاتبة نور البشرى

دائما ما تعرف فراق الأجساد ولكن الأرواح لها رأي آخر فما
لها من فراق
هذه الرواية إهداء إلي كل من عشق الروح بنورها وجمالها
هذه الرواية لا تتناول حياة أشخاص ولكنها تتناول دواخل كل
روح عشقت معنى الحب في عيون نصفها الآخر
هذه الرواية إهداء إلي جمال الروح

نور البشرى

الفصل الاول

نقطة لقاء

علي انغام الست ام كلثوم واغنيه كان لك معايا اجمل حكاية
في العمر كله علي شاطئ بحر الاسكندريه شتاء نوفمبر
2017

يجلس محمود في الكافتريا يكتب في دفتر مذاكرته احداث
اليوم ولقد تعود ان يأتي يوميا الي هذا المكان منذ رجوعه
من السعوديه حيث كان يعمل هناك فهذا المكان بالنسبه له لم
يكن مجرد مكان وبحر ولكنه كان يحمل ذكرياته واحلامه
وضحكاته ... بدأ يكتب في دفتر مذاكرته النهارده
النهارده اول مره اشوفها من 8 سنين من يوم ما افترقنا في
نفس المكان علي شط البحر

النهارده اول مره اشوفها صدفة مكنتش عامل حسابها
وعلي اد ما اتمنت اشوفها سنين علي اد ما كنت خايف
اشوفها يمكن علشان عارف اني لسه لحد النهارده مقدرتش
انساه لسه عايشة جوايا ... نور حب العمر .. نور القلب
ومفتاح الحياه ليا والغريبة ان الاغنية الي كنا بنسمعها سوا
شغالة دلوقتي وأنا الي بهرب سنين علشان مسمعهاش
وكان القدر بيجمع مع الصدفة علشان يصحوا كل الوجع في
قلبي من تاني .

شوفتها النهارده لسه زي ما هي برقتها وبرائتها وجمالها
لسه عنيا تايهة زي آخر يوم شوفتها فيه .

واقف بشتري لعب اطفال لنور بنت اختي سارة أنا اللي
سمتها نور علشان دايمنا نور يفضل محاوطني ومعايا وفجأة
سمعت حد بينده علي إسمي محمود ... محمود قبل ما ارفع
عيني علشان اعرف مين بينادي عليا حس قلبي بيها نور
الوحيدة اللي إسمي منها كان مختلف قلبي دق بسرعة زي
ما يكون طالب فرحان بنجاحه معقول تكون نور ??? ورفعت
عيني علشان ارد ولاقت طفل صغير بيجري عليا ونور
بتجري وراه وتنادي عليه !!!!! دا ابن نور ??? وقفت
الساعة في اللحظة دي لما عيني جت في عنيا كل شوق
الدنيا مكنش يوصف اللي حسه ... ولثواني معرفش اد ايه
فضلنا ساكتين بنبص لبعض

مدت ايدي علشان أسلم عليها

وبصوت خارج من أعماق قلبي ... إزيك يا نور
نور متعلثمة في نطق كلماتها ازيك يا محمود ... أنا أسفة
أنا كنت بنادي علي إبنني ... اسمه محمود

بابتسامه ذهول إبنك إسمه محمود ???؟ علي إسمي

نور وفي عيونها نظره تجمع بين كل معاني الإرتباك في
الكون هو نفس الإسم فعلا

ولدقايق خيم الصمت علي الموقف من تاني

أوقات كثيره يكون الصمت والسكون أبلغ من الكلام فكم في
الصمت من حيرة وكلام متخفي بين سطوره ولكنه في قوته
يعادل مئات الكلمات المحملة بالوجع .

فبراير ..شتاء 2009

دقات المطر في كل مكان تعلن عن رفضها للفراق تنزل
بكثرة وكأنها السماء تبكي لعنة لفراق نور
في لحظة ما كان البحر يتعارك مع الأمطار في مشهد مهيب
كأنه يرفض لحظه الفراق كانت نور تقف في وسط إنهمار
المطر لتتحد مع شلال دموعها كأنها تواسيها أو تحضنتها
ذابت الكلمات فأى كلام يقال بعد الظلام !
كان فراق نور ظلام لم تعرف حياتي بعده نور
وفي غمرة السكوت كان موج البحر يعتلي بأمواجه كأنه
يدفعها الي حضني قطعت نور الصمت وشلال الألم لترتمي
بين احضاني لأول وآخر مرة
وتخرج الكلمات منها :
أنا أسفه إنى حبيتك يا محمود مش عاوزة أشوف وشك تانى
وتجري بين الأمطار لترتمي بين أحضان آلامها في تلك
اللحظة فقدت القدرة علي التحرك علي النطق وقفت وكأني
متهم ينفذ حكم إعدامه بيده .

إختفت نور وسط بكاء الأمطار وكان روعي تتسحب مني
محاولة اللحاق بيها ولكن ما الفائدة الان ... لقد إنتهى كل
شئ كإعصار دمر كل شئ جميل في قلوبنا ولم يبقى سوي
الخراب

ذهبت في هذا اليوم الي منزلي لم أكن أعرف اين أتجه من غمره الوجد والألم .. ألم انسحاب الروح كان يفوق احتمالي نسيت أتجاه منزلي لأفتح هاتفي واقوم بالإتصال بصديقي أكرم صديق عمري وخطيب شقيقتي .

و بصوت مذبوح جاءته كلماتي : أكرم إزيك محتاجك تجلي ممكن عارف أن الدنيا بتمطر بس أنا تعبان مش قادر أسوق مش عارف أروح للبيت .

وفي الجهة الأخرى يأتي صوت أكرم بنرة قلقة : مالك يا محمود إنت فين مال صوتك أنا جايلك قولي مكانك فين ودقايق وأكون عندك .

بنره مذبوحة نفس المكان بتاعي أنا ونور علي البحر .
أكرم : دقايق وأجيلك يا صاحبي .

وصدق أكرم في كلامه وما هي إلا عشر دقائق وكان امامي لم اعرف كيف قدم بهذه السرعة هل كانوا عشر دقائق أم أن عقلي توقف بالزمن عند هذه اللحظة فلم يعرف أي وقت بعدها .

أكرم وعلي وجهه ترسم ملامح القلق والدهشة من نظراتي المبعثرة : محمود في ايه مالك لونك مخطوف ليه وايه اللي منزلك في البرد دا .

بنظره صادمة يأتي ردي وكأنها كلمات أخر كلمات ميت في هذه الحياة ... أنا سبت نور .

أكرم مربطاً علي كتفي محاولاً تهوين الموقف .. إنت اخترت يا محمود مستقبلك

تعالى دلوقتي نروح علشان الجو والصبح نتكلم لما تفوق
ركبنا معا السيارة ولم يتطق أحد منا كلمة طول الطريق فأى
كلام سيقال بعد النهاية هل يوجد ما تعزي بيه المنتحر على
فقدانه الحياه ؟؟؟؟؟؟؟

· وإلى العين التى كانت تموج بماء الحياه ، حملت
جرتى ، فرأيتها ملأى بالدماء .
· وفى الروضة التى كانت تنمو فيها مئات الآلاف
من الزهور ، بدلا من الثمار هناك الشوك والحصى
والرمال ..

شمس الدين التبريزي

الفصل الثاني بعد فوات الأوان

محمود

لم أستطيع النوم طول الليل لقد كانت الليلة الأطول في حياتي
مرت فيها الدقائق كأنها ضربات سيف تطعن في كل جسمي
حاولت مرارا وتكرار الاتصال بنور ولكن لا مجيب او الهاتف
مغلق حاولت أن أرسل لها الكثير من الرسائل علي هاتفها او
علي تطبيق الفيس بوك وكان الوضع لا مجيب وعندما
أشرفت الشمس استطاع النوم الإنتصار أخيرا فذهبت للنوم
دون وعي مني ولم أستيقظ الا مع صوت أذان الظهر جلست
لدقائق علي السرير أتذكر ما حدث في ليلة أمس ادعو الله
أن يكون مجرد كابوس ونظرت الي أصبعي فلم أجد خاتم
الخطبة الخاص بنور لم أجده هنا تذكرت كل شئ لم يكن
كابوس كان حقيقة وواقع لقد خسرت نور بالأمس .

قفزت مسرعا وعلي وجهي ترسم علامات ذعر لإرتداء
ملابسي لا لا لا لن اسمح لذلك ان يحدث ... لن أختار
مستقبلي سأذهب لمنزل نور وأعتذر لها لن استطيع الحياة
بدونها لقد أخطأت الاختيار وفي دقائق كنت أقود سيارتي
بجنون في إتجاه منزل نور محاولا طوال الطريق الإتصال
بيها ولكن لا مجيب الهاتف مغلق

عندما وصلت لمنزل نور ظللت أضرب في الجرس والباب
بجنون صارخا

نور إفتحي أنا أسف .. نور أنا بحبك .. سامحني مش عاوز
مستقبل مش عاوز حياة مش عاوز غيرك نور نور افتحي

.....

وهنا ظهر حارس العقار المجاور لفيلا نور ليتعرف علي
سبب صراخي الأشبه بالبكاء
سلام عليكم يا أستاذ في حاجة
وبصوت محترق من الخوف أنا عاوز أنسه نور بنت
استاذ منير

جاءني رد حارس العقار كسكين مغروس في أعماق القلب
الست نور سافرت الفجر مع والدتها أخذوا كل حاجة ليهم
في الفيلا وهيقفلوها زي ما كانت مقفولة سنين
بصدمة محاولا تجميع كلماتي ونبرة صوتي التي وكأنها
إحترقت من نار الألم .. يعني ايه أخذوا كل حاجة ليهم يعني
مش هيرجعوا تاني ???

حارس العقار في نظرة تجمع بين الإستغراب والريبة
أه يا أستاذ مدام فريدة قالت إنهم خلاص هيهاجروا بلاد بره
دا حتي الست بتاعتي كانت سهرانة معاهم للفجر تجهز في
الشنط وتلم وتغطي في العفش علشان قرروا يسافروا فجأة
لم انتبه لدموعي التي نزلت كالشلال أمام حارس العقار
لأستفيق عليه يا سعادة البيه في حاجة ??? مالك حضرتك
بتعيط

نظرت اليه وكأنني أرجوه أن يكون ما نطقه لتوه غير حقيقي
او فاهم غلط ولكن للأسف ما قاله كان صحيحا تماما

نور قررت الهجرة تماما الي انجلترا مع والديها وكأنها
تذبحني بنفس السكينة التي ذبحت قلبها بيها في لحظه تهور
وعدم حسابان ...

نور شتاء 2017

في جهة ما من الشاطئ علي إحدي الكافتيريات المطلة علي
بحر الاسكندرية تجلس نور تكتب في مذاكرتها ويشرد عقلها
قليلا في صدفة اليوم لتكتب أي صدفة هذه التي ترجع بالقلب
أعوام سابقة وكأنه لم يتغير شئ في ملامحه لازالت هي تلك
العيون الخضراء الممتلئة بنظرة الحب والحنان رغم مرور
السنوات لايزال الحب كما كان في عيونه ولكن علي أي حب
أتحدث عن حب تركه دون رحمة منه في إختيار أناني
لمستقبل مجهول عن أي حب أتحدث عن حب ذبح في
عروقي معاني الحياة وتركني أتألم وحدي عن أي حب
أتحدث؟؟؟ كيف لمن تركني في الماضي بلا رحمة أن أري
اليوم في نظره عيونه هذه اللمعة لمعة الحب لم تتغير؟؟؟

دائما ما يقولون أنا عندما ننجب طفلا نسميه علي اسم
الاقرب الي قلوبنا؟؟؟ علي مدار 6 اعوام كان التساؤل الدائم
لي لماذا سميت طفلك بهذا الاسم هل من قبيل الصدفة ام لانه
إسم الاقرب الي قلبك محمود .

تتوقف نور عن الكتابه لتتذكر اول لقاء بينهما في عامها
الجامعي الرابع بكلية الهندسة.

(محمود ونور)

فبراير 2005 – كلية هندسة

تقف نور مع صديقتها كعادتها دائما مبتسمة ومشرقة
وعيونها لا تتوقف عن نشر البهجة في كل ما حولها وفي
أثناء إنشغالها في الحديث مع صديقتها تنتبه له هذا الشاب
الذي يكبرها بعام واحد دائما ما كانت تلاحظ أنه ينظر اليها
ولكن لأول مره تنبه الي لمعة عيونه وإبتسامتها الصامتة
لتلتقي عيونها في عيونه وتشعر بأن دفعة من الحياة أحتلت
شريانها مرة واحدة .

دائما ما كانت تتساءل من هذا الشاب كل ما تعرفه عنه انه
يكبرها بعام واحد ولكنه لم يحاول مرة أن يتحدث معاها او
حتي يقترب منها وتمر الأيام ولا شئ يتغير يظل يتابعها في
صمت وتظل تتساءل في داخلها ماذا يريد وهي لا تشعر أنه
هناك إحساس يتوالد إتجاهه مع مرور الوقت ودون سبب
واضح ... فكم من حياة تتوالد داخلنا كطفل تنشق روحه في
رحم أمه دون أن تشعر !!!

مارس 2005

يقف محمود يراقب الفتاة التي طالما أحب النظر اليها دائما
ما يوجد في داخله شئ يمنعه من الاقتراب منها دائما ما
ينظر لها علي أنها فتاة رائعة الجمال لست فقط جمال الشكل
ولكنه جمال الروح الذي أسرته منذ النظرة الأولى كان علي

يقين أنها علي علاقة بأحد كم من المرات أراد ان يتحدث معها ولكنه تراجع في اللحظة الاخيرة خوفا من ان تفضحه نظره عيونه لتكشف عن غرامه منذ المره الأولى التي رآها فيها منذ عامين .

منذ عامين وهو يتابعها في صمت يريد بشده أن يقترب منها ولكن في داخله خوف أن يفقد حق النظر اليها إذا ما رفضته أو أكتشف انها علي علاقة بشخص آخر لم يعرف لماذا هي ولماذا تهاجر الكلمات من علي لسانه عندما يكون امامها .
وكعادته يقف كل يوم ينظر له ويتابعها لاحظ عدة مرات إنها تبادلته نفس التظرات ولكن لأن حبه ومشاعره كانت أقوى من أن تصدق ما تراه عيناه فضل الصمت وهو لا يعرف كم يخسر بخوفه .

يقطع شروده مجيئها ونزولها من سيارتها يتهد قلبه لقد جاءت نور اخيرا لقد تأخرت عن مواعدها اليوم ولكن لماذا تجتمع صديقتها حولها ماذا يحدث إقترب قليلا حتي يستمع الي ما تقوله لها صديقتها ليتفجأ بمباركتهم لها علي خطوبتها بالأمس .

وقف محمود كمن نزل عليه صاعقة برد في عز حر الشمس لا يستطيع التحرك ولا التحدث وأظلمت الدنيا أمام عيونه لدقائق ليفيق علي نظرة نور ولكن هذه المرة كانت مختلفة عن كل مرة عن كل نظرة بادلته بيها نظرة لوم ووجع وألم ويصرخ في داخله

إزاي أنا عمري ما خدت بالي من نظره نور ازاي قولت عليها نظرة عادية نور كانت فاهمة

نور كانت حاسة

نور بتبصلي نظره لوم اني فضلت ساكت ومتكلمتش

نور بتمثل الفرحة

نور مش مبسوفة

نور بتبادلني مشاعري

بس هو كان أشجع مني وفاز بيها .

مر ذلك اليوم علي محمود وكأنه عمر باكملة شعر بألم في قلبه وكان شخص يغرس سكيننا ساخنا بداخل قلبه وفي نفس الوقت عليه التمثيل أمام الجميع أنه لم يتأثر لينهار في نهاية اليوم ويبيكي وحيدا ليلا لأول مرة علي نور .

لم يدرك كم أحبها الا عندما وجد خاتم خطبتها علي غيره في يديها

لام نفسه كثيرا علي تأخره كره خوفه من جمال روحها الذي جعله يخاف الاقتراب منها , نور لم تكن مجرد فتاة معجب بها نور كانت سره الأكبر الذي لم يبح به الي أحد وعالمه الأصغر في نظره عيونها وضحكتها .

مرت الأيام عليه كثقل حمل علي قلبه يتسرب الي باقي جسده حاول تفادي أن ينظر الي عيونها الأيام التالية ولكن لأن القدر كان يعانده أو ربما يعاقبه على تأخره عندما كانت نور تمارس هوايتها في التصوير الفوتجرافي حيث كانت تلتقط صورة لسرب من العصافير لم تنتبه لحجر كبير كادت أن تصطدم به لتتفاجئ بمحمود يسحبها بشدة دون اي كلمة منه لتجد نفسها بين أحضانه .

لتتلاقى عيونهم عن قرب شديد لأول مره ليري في عيونها
الزرقاء بلون صفاء المياه ما جعله يصرخ من الألم في
أعماقه الداخلية

نظرة جعلته يشعر أن عيونها تتطرق بما لا تبوح به روحها
دمعة مخفية

لوم وعتاب

أنا إنتظرت كثيرا ولم تأتي او حتي تحاول الإقتراب
لم فعلت في قلوبنا هذا الألم الغير محتمل ؟؟؟؟ وفي وسط كل
هذا لأول مرة لمحها نظرة حب مكتومة له

ظلت عيونهما في حديث صامت وتذهب نور بعيدا عنه دون
ولا كلمة لتتركه وسط المه

ما كان محمود يحمله لنور لم يكن مجرد حب كانت مشاعر
عاشق روح ولكنه كان عاشق جبان خاف ان يواجه فكان
مصيره الحرمان .

تمر الأيام علي محمود ونور وكل منهما في حياته كل منها
يحاول تفادي ملاقة أعينهم كثيرا ما كان خطيب نور يأتي
الي الجامعة ليصطحب نور لتكون هذه اللحظة بالنسبة
لمحمود نيران داخلية لا يطفأها محيط من الغيرة والألم

.....
- فلما قال ما لم يكن واضحا أمام روح الله ، فكيف
تخفى الأسرار على الروح؟!!

جلال الدين الرومي

شتاء نوفمبر 2017 محمود

ينظر محمود الي البحر وكأنما يريد أن يرتمي بين أحضانه
ليصرخ من الوجد والشوق ولوعة الفراق صوت نور منادية
علي طفلها محمود لا يفارق أذنه منذ أن سمعه قبل تلك
اللحظة بساعات كم كان يشواق اليها كم أراد أن يأخذها بين
أحضانه لكي يخبئها بداخل قلبه ليفعل ما لم يستطع فعله منذ
ثمانى سنوات يشرد ليعود بعقله لتذكر تلك ايام العمر
السابق.

ابريل 2005 (محمود ونور)

كان لازال قلب محمود متعلقا بنور لم ينساها لحظة من
الزمن وعلي الرغم من مرور شهرين علي خطبتها كان
يعيش جسدا و صورة شاحبة أما روحه وقلبه وعقله فكان
لا يوجد مكان فيهم لحياة سوي نور .
ولأن القدر كان رحيفا بقلبه وروحه أعطاه فرصة أخري بعد
إنهاء اجازة نصف العام التي كانت مدتها أسبوعين ظل
منتظرا مجئ نور .

ليلفت إنتباهه أن ضحكتها الطفولية مرسومة علي وجهها
وكان حمل ثقيلًا إنزاح من علي قلبها لينظر ليديها يجد انها
لا ترتدي خاتم الخطبة .

كادت عيونه أن تطرب رقصا من السعادة ليصرخ فرحا في
داخله

نور تركت خطيبها ... وكفرحة طفل صغير برؤيه الشمس
بعد ظلام طويل كانت فرحته

مر اليوم كاملا علي محمود وهو يحاول التحدث مع نور
وإستجماع حديثه ولكن خجله وخوفه من رد فعلها كما انه
لاحظ انها لم تنظر اتجاهه نهائيا في هذا اليوم .

لم ينم محمود في هذه الليلة وكأن النوم خاصم عيونه رافضاً
زيارته الا بعد ان يخرج مكنون أسرارہ بحب نور أمام
عيونها .

نزل صباحا مبكرا جدا قبل موعد بداية الجامعة بساعتين
منتظرا نور عند سور الجامعة وكأنها كانت تشعر به ففوجئ
بيها تأتي مبكرة عن موعد الجامعة بساعة كاملة ليستوقفها
لاول مره مناديا عليها

نور نور

نور بذهول وكسوف في نفس الوقت بنظرة ليس لها
وصف او حكاية

ليسمع كلماتها إنت بتنادي عليا

وبنرة عاشق شرقت شمسہ بعد غروب طويل أه يا نور
ممكن اتكلم معاكى دقيقة :

نور ناظرة اليه نظرة طويلة وبحمرة وجنتيها لتظهر وكانها
شمس تغرب في زرقه عيونها وبصوت ملائكي ... إتفضل

وفي لحظة يخرج فيها العاشق مكنون روحه من سجنه
ليشرق علي قلب من ملكت قلبه أنا عارف إني عمري ما
كلمتك ولا كان في بنا حوار و عارف أن كلامي هيفجئك
أعرفك بيا اسمي محمود أخر سنه في الكلية السنة دي
يصمت قليلا محاولا استجماع كل ذرة شجاعة علي لسانه
نور أنا ... بحبك

بحبك من اول مرة شوفتك فيها من 3 سنين عارف اني
إتاخرت كتير أوي أوي علشان أعترفلك وأحكملك عن الي
جوايا بس كل مرة كنت بفكر أقربلك فيها كنت بخاف تصدني
بخاف تبعدني عنك بخاف حتي إنك تبعدني نفسك عن عيني
وأتحرم إني أشوفك , خوفا غلبنى سنين وسبتك تضيعي
مني وتتخطبي وأنا ساكت وواقف بتفرج عليكي أنا
معنديش استعداد أخسرك تاني يا نور انا بحبك .

بحب عنكي ببراءتها ورقتها بحب هدوؤك وجنونك بحب
حتي غضبك وزعلك انا بحب كل تفاصيلك اللي حفظتها أكثر
ما من إسمى .

عارف أنه كلام غريب اني اقول لكي من أول مرة أتكلم
معاكي فيها بس دي الحقيقة ودي مشاعري الي مبقتش قادر
اخبيها ولا اخفيها أكثر من كدا .

تنظر له نور في ذهول وإحمرار وجنتيها يشبه احمرار
الشمس في وقت الغروب وبدون أي كلام أو رد فعل تذهب
لتركب سيارتها وتتركه في حالة صدمة من رد فعلها .

انتظرها طويلا في هذا اليوم ولكنها لم تأتي أي محاضرة
وكانها جاءت فقط لتسمع اعترافه وتذهب بعيدا ولا يبقى
امام عيونه الا قول شمس الدين التبريزي الذي كان مدمنا
لقراءته

- وجد قلبى شعاع الروح .. فانفتح قلبى وانشق ،
ووجد قلبى أطلس جديداً .. فصرت عدوا لهذه
الخرق .

جلال الدين الرومي

الفصل الثالث

مفتاح الحياة

نوفمبر 2017- نور

تنظر نور الي البحر لتري شاب وفتاة وتشرذ بابتسامة
لتتذكر ذلك اليوم يوم أن إعترفت بمشاعرها لمحمود منذ 8
سنوات .

تتذكر أول مرة تلاقى عيونهما سويا لتكون أجمل من ألف
حديث تتذكر كلماته المفاجئة لها بعد سنة كاملة من الحب
الصامت بينهما وكيف أنها لم تدري كيف ترد وحتى أين
إختفي صوتها في تلك اللحظة كل ما شعرت به عندما رمي
بين ضلوعها كل ما كتبه لشهور من مشاعر وغرام أنها
تريد ان ترتمي بين أحضانه لترمي بين بحار عيونه ما
بداخلها من مشاعر ولدت ولم يكن مقدر لها الاعلان الا في
هذه اللحظة .

غلبتها دموعها عندما استمعت الي اغنية ضحكت للفنان
عمرو دياب على مقربة من مكانها وكأنها أرسلت لها في
تلك اللحظة لتعيد أحياء لحظات سابقة قد ظلت أنها قد تورات
في طي النسيان الظاهري

”ضحكت يعني قلبها مال وخلص الفرق ما بينا اتشال يلا
يا قلبي روحها يلا قولها كل الي بيتقال مستني ايه بعد
الضحكه دي الضحكة فاتحك سكة ”

إسترجعت الموقف منذ ثماني سنوات وكيف تركته دون
جواب وذهبت مسرعة الي سيارتها لتقودها وهي تكاد
ترقص كفرحة طفل وليد بالحياة وتفتح الراديو لتستمع الي
نفس الأغنية بالصدفة وكأن الأغنية كانت تحكي عما يدور
في قلبها

كيف أنها ظلت طول هذا اليوم تضحك بدون توقف ولم تتم
حتي صباح اليوم الجديد

ليكون اللقاء بينهما لتعترف بمكنون قلبها بين يديه كما فعل
هو بالأمس .

في ذلك اليوم ذهبت مبكرا عن موعد محاضرتها لتجد
محمود منتظرا لها علي باب الجامعة كما كان في اليوم
السابق لتتفاجأ بنفس الاغنية في تسجيل الجامعة صباحا

نور بأبتسامه طفولية تشع منها الحياة تخرج كلماتها
محمود صباح الخير

محمود بعيون ضاحكة و نبرة راقصة من الفرحة:

نور صباح الفل والسعاده يا نور

نور تحاول تجميع احرف كلماتها.

أنا اسفة إنى مشيت امبارح بس أنا معرفتش ارد عليك

كلامك ربكني ولخبطني

محمود مقاطعها أحرفها .. أنا اللي أسف يا نور أنا عارف

إن كلامي كان صدمه لكي بس أنا بقالي يومين بجمع في

الكلام وفي شجاعتى علشان أقولك نورتقبلي تكوني

شريكة حياتي

أنا عاوز اخطبك .

عاوز أتقدمك من بكرة ... من بكرة ايه من النهاردة دلوقتي

حالا معنديش إستعداد تضيعي مني تاني .

نور متفجأه مع لون خديها لون احمرار الشمس لحظة

الغروب .. محمود إنت عمال تفاجئني

محمود ونبرته تحمل بينها الاحراج والسعادة في أن واحد ..

أنا اسف مرة ثانية .

نور بكسوف تخرج كلماتها ... أنا موافقة يا محمود

محمود وكاد قلبه أن يخرج من قفصه الصدري ليحتضن نور
من فرحته .. نور ... موافقه بجد يا نور موافقه تكوني
شريكة حياتي وعمري اللي جاي .
نور بابتسامة خجولة ونظره رقيقة .. اه موافقه يا محمود
دي مشاعري أنا كمان .

هل سمعت عن هذه اللحظة التي تعطيك الحياة السعادة كلها
في لحظة .. كانت هذه اللحظة لحظة لا وصف لا يوجد
كلمات في بحر الحياة تحكي عنها اول دقة قلب بجد أول
إحساس أمان تراه في عيونها

فاقت نور من دموعها التي هزمتها لأول مرة وأستطاعت
النزول منذ يوم وداعهما وكان الصدفة والذكريات كانا في
حرب ضدها ودموعها إعلان للهزيمة والاشتياق لتجد أن
الشمس أوشكت علي المغيب لتعلن عن قدوم الليل ببرودته
وعواصفه أغلقت دفتر مذكراتها وعادت لتتظر مره أخري

إلي البحر لتودعه وترمي بداخله ما إستيقظ بداخلها من
ذكريات .

محمود

علي الناحية الأخرى في كافتيريا علي البحر كان لا يزال
محمود جالسا يتصارع مع ذكريات الماضي مع نور عقله لا
يتوقف عن إعادة مشهد الصدفة بعد سنوات من الوداع
ليأتي ورأه دائما مشهد الوداع منذ سنوات في نفس المكان
ليقطع تفكيره إنهطال الأمطار بشدة فجأة وكأنها تعيد المشهد
بكل شعوره في قلبه .

منذ ذلك اليوم وكلما كانت السماء ممطرة كان ينظر لها
ويتذكر لحظة وداع نور كم كان يحب المطر هذه اللحظة
....وكم كرهه بعدها

كرهه لأنه يذكره بأقسي ما فعله في قلبه وقلب نور وكيف
أنه أطفأ الحب كله في لحظة ضعف .

ينظر الي البحر والمطر لينتبه إلي وجود شاب وفتاة في
وسط الأمطار بالقرب من البحر يقترب منهما قليلا ليجد أن
الفتاة تبكي بحرقة

محمود محدثا نفسه إيه الصدفة العجيبة دي نفس
المكان ونفس التوقيت ونفس المشهد بس اتنين غيرنا دول
شكلهم في لحظه وداع ياااااه علي الوجع اللي جواهم وجع
لن ينتهي ألمه أبدا .

أقترب اكثر منهما لينظر في عيون الفتاة والشاب ليجد ما
ذبح في قلبه أكثر فنظرات عيونهم صادقة جدا تحمل جميع
معاني الحب يستغيث بينهما كي لا يموت مقتولا من حامله .
ليجد نفسه يذهب الي الشاب محدثا اياه :

أنا عارف إني مش من حقي أتدخل بس إنت بتحبها وهي
بتحبك مهما كانت العقبات اللي بتقابلكوا او عي تسيب إيديها
أنا كنت هنا مكانك من 8 سنين فقدت فيها حب عمري زي ما
أنت بتعمل دلوقتي كنت فاكِر إني هقدر إني هنسي والحقيقه
إني نسيت كل حاجة إلا هي امسك في حبيتك وحافظ عليها
الحب الصادق بيجي مرة واحدة في العمر ولو قتلته لاي
عقبة عمره ما هيتعوض تاني الروح مننا مبتلاقيش غير

اليف واحد في طريقها لو ضاع بتكمل اللي فاضل في سكتها
وحيدة مهما كان حوالها من زحمة .

نظر الشاب والفتاة لبعضهما البعض وكأنما كان كلامه
مفتاح حياة بالنسبة لهما ورجع الشاب إلي الفتاه ومسح
دموعها وبدأوا في الحديث بهدوء .

تركهما محمود واستدار ليذهب مبتسما ومحدثا نفسه ..
يمكن كنت محتاج من 8 سنين اللي يقولي إمسك في أيديها
وأوعي تسببها لأنها لو ضاعت عمرها ما هترجع تاني .
يبتسم ليتذكر سائق التاكسي الذي أستقله في الليلة قبل
الأخيرة قبل وداع نور .

بينما كان شاردا يفكر فيما يفعله هل يختار نور أم يختار
مستقبله .

قطع تفكيره حديث سائق التاكسي

لو أدامك فرصة يا صاحبي وأدامك حياة واحد مديك الأمان
أختار اللي مديك الأمان , العمر بيعدى والفرصة ممكن تتكرر
لكن اللي مديك الأمان عمره ما هيتكرر ولا يعرف قلبه الأمان
من تاني .

محمود بذهول محاولاً استيعاب ما قاله السائق وكأنه قرأ ما
في عقله .. إنت بتكلمي ياسطي ؟

السائق مستديراً متحدثاً له وكأنه قد نسي وجود راكب معاه

: العفو يا بيه أنا بكلم واحد صاحبي في الموبيل حاطط

السماعات في ودني علشان المرور الطريق طويل وطول

اليوم الواحد بيلف لوحده لازم يتكلم مع حد ...

ليأتيه رد محمود بذهول : اه ... ماشي .

يعود محمود بعقله الي اللحظة الحالية والواقع الذي وصل

إليه يتنهد قابضاً علي راحه يديه بعنف متألماً بابتسامة وجع

مرسومة علي شفتيه ويدور في عقله حرباً داخلية ولوم

قاتل كيف لم أفهم أن هذا السائق كان رسالة من القدر في

لحظة أخيرة قبل خروج روعي من مكنها .. كيف تصور

عقلي في يوماً من الأيام انه سيجد الأمان والحب بعيداً عن

نور فهل تجد الروح حياة خارج الجسد !

قرر محمود أن يذهب إلي منزله سيراً علي الأقدام فشقتة

الجديدة التي أستأجرها منذ عودته من السفر تقبع في آخر

طرف من كورنيش الإسكندرية علي الرغم من أنه يملك
شقيقته الخاصة بيه التي كان سيتزوج فيها نور في يوم الأيام
إلا أنه فضل أن تظل مغلقة طوال هذه السنوات كلما قرر أن
يستقر فيها في كل إجازة كان يعود فيها إلي أرض الوطن
كانت روحه ترفضها فكيف سيسكن فيها دون نور السكن ..
ولقد أختار مكان شقيقته المستأجرة في أقرب مكان كان يلاقي
فيه نور دائما منذ بدايه شغلة حبهما كورنيش الإسكندرية
بينما هو يسير في طريق منزله محدثا نفسه
دا الطريق اللي دايمنا كنا بنمشي فيه سوا يا نور يا تري
فاكره ولا أنا بالنسبالك مجرد ذكرى .
ينظر الي البحر شاردا ليتذكر ذلك اليوم الذي قرر فيه
التحدث مع عائلته عن نور لخطبتها
يعود بذاكرته لأعوام مضت
في بيته الدافئ يدخل الي منزله في هذا اليوم بعد أن صرحت
له نور أخيرا بمشاعرها وعن مبادلتها قرر أنه لن يضيع
دقيقة واحدة ويأخذ خطوات رسميه معاها .

يجد والدته سحر جالسة تشاهد التلفاز كعادتها وهي ترسم
فلقد ورث محمود حب الرسم والتصميم من والدته يحتضنها
وبقبل رأسها لتتظر اليه نظرة صامتة ولكنها تحمل كثير من
مشاعر الامومة باحساسها بولدها لتسأله بابتسامة حانية
محمود .. عاوز تحكي ايه

بنظره عيونه الضاحكة وكأنها لطفل يري الشمس لأول
مره... هو باين عليا اوي كدا ؟

مربته علي كتفيه وبابتسامه أم ... باين بس دا أنت عنيك
بترقص من الفرحة والسعادة وكأن الدنيا كلها وخدامك
بالحضن .

أه يا ماما الصراحة انا عمري ما كنت مبسوط أد ما أنا
مبسوط دلوقتي أخيرا يا ماما نور قالتها .

تزيد ابتسامه سحر بضحكه تخرج من القلب ... أنا قولت
برضه الموضوع في بنوته حلوة مين نور بقي .
بابتسامه طفولية ..

بنوتة حلوة بس يا ماما دي حلوة ورقيقة وجميلة حاجة كدا
نازلة من الجنة علشان تنور الأرض إسمها نور وهي نور
نظرة عندها تأخذك لدنيا تانية .

سحر بعيون ضاحكة .. دا إيه الكلام الجامد دا إنت بتقول
شعر كمان لا لا دا أنا عاوزة أعرف البنوتة الحلوة دي الي
خلت إبني يقول شعر ويبقي طائر من الفرحة .

بضحكات نابعة من داخل قلبه

طبعا هتعرفها يا ماما أنا عاوز أخطبها من بكرة لا لا مش
من بكرة من دلوقتي .

سحر ونبرتها تحمل إستفهام وفرحة في أن واحد ...طيب
مين نور بقي أهلها دراستها ؟

محمود يمسك يد والدته ليقبلها ويبدأ في التحدث لها عن
نور

الي أعرفه انها طول عمرها عايشه في إنجلترا ومولودة
هناك معاها الجنسيه الإنجليزيه رجعت مصر مع أهلها من 4
سنين علشان تدخل كليه هندسة هي قسم عمارة نفس القسم
بتاعي أصغر مني بسنة والدها دكتور منير لازال يعيش في

إنجلترا ما بين مصر وإنجلترا ووالدتها مهندسة مستقرة مع نور في مصر .

سحر مبهجة

يعني علي البركة بإذن الله مش إنت بتقول بنت كويسة وأهلها ناس كويسين يبقي اتكل علي الله وكلم والدك وأهو فرصه اجازه شهر قبل ما يرجع السعودية.

تقطع كلامهم ساره شقيقة محمود بضحكتها الجميلة التي تتم عن قلب طفلة وعقل انثي ناضجة لتحتضن أخيها .

أخويا حبيبي منور كدا وبيضحك الضحكة من هنا لهننا وبيحكي مع ماما محمود إنت شكلك بتحب صح ؟

محمود جاذبا ساره لحضنه ... بتفهمني إنتي علي طول يا ساره .

ساره بضحكة نابعة من قلبها الصافي : طبعاً أخويا حبيبي محدش هيفهمه أدي .

محمود والابتسامة لا تفارق عينيه : اه يا صغيرة انتي بحب وهخطب كمان بإذن الله .

سارة بضحكة طفولية صغيرة ايه بس إنت أكبر مني بسنتين
بس وبعدين أنا طالبة في كلية الطب يعني هبقي دكتورة أد
الدنيا تقولي صغيرة.

محمود مرتبنا علي كتفيها هتفضلي طول عمرك الصغيرة
بتاعتي يا سوسو .

طيب لما أروح اقول لبابا إنك هتخطب واجب نعرفه برضه
وأهو فرصه قاعد رايق في البلكونة.

تجري متجهة نحو الشرفة التي طالما تعود الأستاذ وحيد
والد محمود في فتره العصر أثناء قضاءه أجازته كل أربعة
أشهر حيث أنه يشغل منصباً دبلوماسياً هاماً بالسعودية.

تنادي سارة بنبرتها التي غالباً ما لا تستطيع ان تفرق اذا
كانت تضحك او تتحدث جدياً فنبرة صوتها كلها حياة ومرح
طوال الوقت .

بابااا باباااا

أستاذ وحيد بابتسامة فلقد كان يعرف أن ساره عندما تجري
مناديه عليه تريد أن تخبره شيئاً قبل ان يخبره بيه أخيها
أيوة يا سارة

جيت أقولك بارك لمحمود محمود هيبقي عريس عاوز

يخطب

ليقاطعها محمود بنبرة خجل :

إستني إنتي يا ساره خليني أحكي لبابا

أستاذ وحيد بلهجة ضاحكة أحكي يا محمود فرحني أنا

شايك وأنت داخل البيت هطير من الفرحة وعمال تتكلم مع

ماما قولت أكيد الموضوع دا فيه قصة حب عنيك فضحك يا

محمود يا واد أنا ابوك محدش هيفهمك أدي بتحب باين في

عنيك المنورة وحيرتك من أول إمبراح ماشي تكلم نفسك في

البيت ها أحكلي بقي

مين إلي خطفت قلبك

لا دا أنت متابع بقي يا بابا من بدري وأنا مش واخد بالي

علي فكرة أنا محكتش لحد غير ماما من نص ساعة بس

شكلي مفضوح ولا ايه

ساره مداعبة رأسه بيديها .. علي الاخر أحكي بقي يا قلب

أختك .

محمود والابتسامة مرتسمة علي كل ملامح وجهه .. معايا
بنوته في الجامعة زي القمر زي قطرات الندى في رقتها
ونعومتها اللي هو لازم تحبها ملهاش حل تاني بنت ناس
كويسين جداً هي مصرية انجليزية واصغر مني بسنة والداها
دكتور ووالدتها مهندسة وهي البنت الوحيدة لأهلها .
يصمت أستاذ وحيد قليلا لسماع محمود وابداء رأيه ليتحدث
اخيرا

طيب دا كلام حلو جدا السؤال الأهم أنت متأكد من مشاعرك
يا بني ومن مشاعرها ???
محمود مقاطعا حديثه ..أنا عمري ما كنت متأكد أد دلوقتي.
وحيد مربتا علي كتف محمود ... يبقي علي بركه الله حدد يا
بني معاد مع اهلها ونروح نزورهم ولو في خير نعمل حفلة
خطوبة قبل ما أسافر باذن الله .

محمود بفرحه تقفر من بين ضلوعه ... بجد يا بابا ربنا
يخليك ليا بكرة علي طول هحدد معاها معاد ونروحهم
بكرة ليه؟؟ دلوقتي ... دلوقتي ازاي أنا نسيت من فرحتي
النهارده اخذ رقم نور حتي !

ساره بضحكة يا عم الحبيب بكره بقي يا سيدي كلها كام
ساعه واليوم يخلص وتشوفها .

يفيق محمود من شروده علي وصوله لمنزله يتساءل في
داخله كيف إختفت كل تلك الذكريات للعمر السابق كيف أنه
أعتقد في داخله أن كل ذكرياته لنور مجرد قصة وستزول مع
الوقت .

كيف أن لقاء لم يتعدى دقائق معدودة أعاد كل مشاعره
الدفينة إلي أحضان الشوق لنور
وكيف وكيف وكيف ولا يوجد إجابة واحده تريح قلبه وتهدي
نار الشوق في عقله .

- فلتطلع كبدر التمام ... ولتقل أنت كل ما قلت أنا،
فأنا من هجرك كقمر أصابه الخسوف .
شمس الدين التبريزي

الفصل الرابع إستيقاظ الذكرى

نوفمبر 2017 – نور

تعود نور إلي منزلها لتأخذ إبنها من المربية التي جلبتها مع من إنجلترا فمئذ ولادة طفلها وانفصالها عن زوجها في فترة حملها وهي تنتقل بين مصر وإنجلترا وكأنها في رحلة بين ذكريات الماضي والحاضر وهربا من طليقها مارك الذي طالما أثار لها المشاكل في كل مرة تسافر فيها الي إنجلترا دائما ما كانت تتسأل في داخلها كيف لم تلتق بمحمود صدفة طوال هذ السنوات هل هذا عقاباً من القدر أم رحمه من الله بقلبها .

تجلس بجوار سريره تحكي له قصة لينام فلقد تعودت أن تحكي له قصة كل ليلة باللغة العربية الفصحى حتي يتعلمها بطبيعة الحياة في خارج البلاد وميلاده والده إنجليزي الجنسية فلم يكن أحد يتحدث معه العربية الا نادراً وهذا كان سبب حرص نور علي شراء قصص الاطفال العربية لتقرأها له حتي يذهب للنوم في احضانها وعندما جاءت حدوتة ست

الحسن والشاطر حسن , أغلقت كتاب القصص عندما
وجدته قد نام ومحدثة نفسها

كنت هحكيتك حدوتة ست الحسن والشاطر حسن أنا عندي
حكاية أحلي حدوتة نور ومحمود

نور إلي في حياتها معرفتش الحب إلا مع محمود ومحمود
اللي ضحي وباع ومعرفش قيمة نور إلا بعد فوات الوقت يا
ريت حياتنا في الواقع كانت زي الحواديت علي الأقل محمود
كان رجع لنور في غمضة عين .

تدخل نور الي غرفتها وتفتح دفتر مذكراتها لتري ما كتبه
فيه منذ ثماني سنوات وتبدأ في القراءة لتسترجع الموقف
بعيون يسكنها الحزن والغربة

النهاردة تاني يوم محمود إعترفلي بحبه مش عارفة اقول أنا
حاسة إيه أصل في حاجات كدا متتوصفش من جمال
احساسها مكنتش بصدق لما بسمع أن في إحساس كدا
بتحسه بتتمني أن الدنيا تقف علشان متحسش غيره من كتر
فرحته أخداك بالدنيا والنهارده صدقت
تتوقف نور عن القراءة لتسترجع الموقف

وصلت نور مبكراً عن موعد محاضرتها لتجد محمود في
إنتظارها علي باب الجامعة ومن المتضح أنه كان ينتظرها
من وقت كبير

نور بابتسامة .. صباح الخير يا محمود
محمود بعيون مبتسمة وقلبا ممتلئاً برائحة الحياة ... صباح
الجمال يا نور

نور بنبره صوتها التي تحمل روح البراءة ... إزيك إنت
شكلك واقف بقالك كثير صح جاي بدري ليه هو إنت مش
محاضرتك كمان ساعتين ؟

محمود مقاطعاً كلماتها بابتسامة عذبة.. وانتي عرفتني منين
أن المحاضرة بتاعتي كمان ساعتين ؟
تبتسم نور ويحمر وجنتيها بلون حمرة الغروب ليأتي ردها
.. عرفت وخلص

محمود ولازالت علي وجهه نفس الضحكة المشرقة..
عموما يا نور أنا جاي من بدري علشان أقولك إني حكت
لأهلي عنك إمبراح وعاوز أجي أزوركم في بيتكم علشان
أطلب إيدك رسمي من والدك .

نور مذهوله بفرحة ... محمود بسرعة كدا

أستني إيه يا نور معنديش إستعداد تضيعي مني تاني أنا
شوفت ايام ما يعلم بيها إلا ربنا وإنتي مخطوبة مبقاش
عندي إستعداد أستني دقيقة واحدة وإنتي مش معايا .

نور مبتسمة وزاد احمرار وجنتيها فأصبحت كالشمس في
شروقها وجمالها : أنا مش عارفة أقولك ايه أنا لسه كنت
هحكي مع ماما بس

محمود مقاطعا كلامها : بس ايه ... نور ممكن أطلب منك
طلب

نور بإبتسامتها العذبة التي لا تفارقها وكان الإبتسامه خلقت
لتسكن شفيتها .. اه اتفضل طبعاً

محمود مستجمعاً شجاعته ... إطلبي طنط والدتك علي
موبيلك وأنا هكلمها وأحدد معاها كل حاجة .

نور ضاحكة .. إنت مجنون صح هتكلمها تقولها ايه .

محمود بنره جديه حانية .. أطلبها وإنتي تسمعي بنفسك

تخرج نور هاتفها الخلوي من حقيبتها لتطلب رقم والدتها
وبعد صوت الجرس يأتي صوت والدتها المهندسة فريده
متحدثاً

أيوه يا نور إزيك يا حبيتي

نور محاولة تجميع الحديث وما بين خجل وفرحة خرجت
كلماتها : إزيك يا ماما .. ماما أنا عاوزة أقولك علي حاجة
فريده بنبرة قلقة .. حاجة ايه يا حبيتي .. مالك يا نور
نور وبنبرة صوتها لازالت تحمل مزيج من الخجل والفرحة ..
بصي أنا مش عارفة أتكلم في واحد زميلي عاوز يكلمك
تعطي لمحمود الهاتف لينتقل الحديث بينه وبين والدتها
محمود مستجمعا شجاعته بنبره صوت تجمع بين الثقة
والفرحة والخجل في أن واحد صباح الخير إزيك ياطنط أنا
محمود زميل نور في الجامعة وأكبر منها بسنة السنة دي
آخر سنه ليا أنا كنت عاوز احدد معاد مع حضرتك علشان
أزورك في البيت مع أهلي علشان أطلب إيد نور من والدها
في أقرب وقت أنا بحب نور وعاوز أكمل عمري معاها .

فريده بنبرة تحمل الفرحة والدهشة .. تنور يا حبيبي
يناسبكوا بكرة بعد العشاء تشرفونا .

محمود بنره فرحة وكأنه القي من علي قلبه جبلاً من القلق
اه طبعا يا طنط مناسب جدا أنا إتشرفت بمعرفتك .

ليعطي لنور الهاتف مره اخري

فريده بهزار مع نور ... إيه الحكاية يا نور بتخبي علي ماما
برضه .

نور بكسوف وإبتسامه طفولية

أخبي عليكى إيه ياماما هحكيتك لما اجيتك أنا هدي لمحمود
العنوان وأكد معاه معاد بكرة .

محمود مبتسما .. هاتي العنوان بقي .

نور تقوم بكتابته في ورقه من كشكول محاضراتها

واعطاءها له بعيون ضاحكة وإبتسامه خجولة ... العنوان

معاك دلوقتي .. هنستناك بكرة إن شاء الله

هستاذنك علشان عندي محاضرة دلوقتي

محمود وقلبه وعيونه ترقص فرحاً وبنبره صوت تحمل

اجمل معاني الحياة

.. اتفضلي أكيد .

تستدير نور لتذهب إلي محاضراتها .

محمود منادياً عليها مرة أخرى ... نور .. نور .. إستني .

تستدير نور بنظرة تحمل الفرحة والدهشه .. في حاجة ..

محمود ضاحكا ... هو الي يروح يزور حد مش لازم يكون

معاه رقم موبيل افرضي تاه بقي ولا معرفش يوصل

والصراحة يعني أدام عنكي لازم يتوه .

تضحك نور بخجل أنا نسيت أن كل واحد فينا مش معاه رقم

تاني ليقاطعها محمود

نور أنا عارف إننا أول مره نتكلم من يومين بس الحقيقي أنا

عارفك بقالي سنين من أول مره شوفتك فيها بقت حافظ

وعارف كل حاجة عنك كأن روعي كانت مسافرة ووصلت

بيتها من أول لحظة شافتك فيها .

تبتسم نور في خجل ...

عارفه أنا كمان حاسة إني بعرفك من زمان

محمود وعلي وجهه إبتسامه عاشق وجد نصفه الآخر للتو

طيب هاتي الرقم بقي علشان متأخريش عن محاضرتك

تقوم نور باعطائه الرقم وتنصرف الي محاضرتها وهي تكاد
تصرخ من ما تشعر به وكأنها روح قد وجدت مكانها في
الجنة لتوها .

تفريق نور من شرودها علي صوت هاتفها الخلوي لتجد أن
والدتها هي المتصلة

فريده بنرة تخفي بين طياتها قلق أم قلبها متألما علي غياب
ابنتها :

نور إزيك يا حبيتي إيه أخبار محمود إبنك

نور محاولة اخفاء نبرة صوتها الممتلئة بحزن الزمن ..
الحمد لله يا ماما

فريده وقد ازداد القلق بين طيات نبراتها ... إنتي كنتي
بتعيطي يا نور صوتك معيطة في حاجة زعلتك ؟

نور تحاول إخفاء صوتها الباكي .. لا يا ماما مافيش حاجة
أنا كويسة

فريده ... يا نور مش كفاية سفر بقي وإرجعي إنجلترا أنتي
وإبنك أنا مش عارفة إنتي إيه الي مخليكي مصصمة علي

قعدتك في اسكندرية لوحدك ملكيش حد هناك خالص وأنا
علي طول قلقانة عليكي .

نور محدثه نفسها ... أنا فعلا مليش حد هنا معدش فاضل ليا
غير الوجع الي صحي وأنا فكراه إتدفن من سنين

فريدة بنبرة تحمل زعر وقلق

نور ... نور روحتي فين

لترد نور عليها متتهدة.. معاكي يا ماما .. ماما ممكن تسبني

علي راحتني أنا مرتاحه كدا علي الأقل محمود يبقي عارف

بلده بدل ما يطلع زي بلا هوية وكفاية بقي كل ما أرجع

إنجلترا مارك مش سيبني في حالي كل اللي بي فكر فيه إزاي

أرفض أرجعله مش علشان حب ولا حتي علشان إبنه جنون

العظمة وصورته الي اتكشفت اداامي حولته لإنسان مريض

بالهوس أنه يرجعني .

فريدة: هنرجع تاني لنفس الموضوع يا نور يا نور أنتي

إنجليزية مصرية بالإسم بس ومحمود إبنك حتي ابوه

إنجليزي مع كل المشاكل الي عملها مارك وقلة ادبه بس في

الأخر هو اسمه علي إسم إبنك ليه بتفتحي في الكلام اللي
فات من تاني .

نور بنبرة غاضبة .. لا هنعيد ولا هنتكلم يا ماما اللي فات
فات خلاص

وتكمل حديثها متتهده بألم داخلي : ماما أنا عاوزه أنام ممكن
نكمل كلامنا الصبح .

فريده متتهدة فهي تعلم جيداً كم تكررت تلك المناقشة مع
إبنتها ودائماً تنهي بلا شئ ...

ماشي يا نور .. خدي بالك يا بنتي علي نفسك وعلني إبنك
تصبحي علي خير .

نور محاولة كتم دموعها حتي لا تشعر بيها والدتها ... إن
شاء الله خير وإنتي من اهله .

تغلق نور المكالمة مع والدتها لترتمي بين أحضان سريرها
وتبكي في الظلام وكأن شلال من البكاء الداخلي المكتوم منذ
سنوات أنفجر ليغرق وصادتها دون رحمة.

محمود

يصل محمود الي منزله ومعه شريط من الماضي وحنين لا ينقطع كأنه حبل سري لطفل برحم أمه الي نور .

يدخل إلي غرفته يفتح مكتبته ليخرج منها ألبوم الصور الخاص به هو ونور ولأول مرة منذ سنوات يفتحه وكأنه علي مدار السنين السابقه في معركة مع روحه ألا يتصفحه خوفاً من حنين خفي وشوق لا يفيد

يمسح بيديه تراب الإهمال من عليه ليتصفحه ويفتحة ليجد أول صورة أمامه صورة التعارف الاول بين عائلته وعائلة نور فلقد كانت حبيته عاشقة للتصوير لا تترك لحظة دون أن تلتقط لها مشهد دائماً ما كانت تقول

الصور هي أكثر دليل علي وجود الحياة في قلوبنا دائماً ما كان يسأل نفسه كلما تذكر كلماتها هل لازالت علي موقفها ام إنها الآن تعتبر الصور أكبر عقاب للخذلان عندما تري كم خسرت من حب وحياه كنت تملكهم يوماً ما

ينظر الي الصورة مبتسماً ويتذكر هذا اليوم منذ ثماني سنوات ذلك اليوم اللقاء الأول بين أهل نور في منزلها

كان منزل نور عباره عن فيلا دورين بحديقة قامت
بالاشراف علي رزاعتها نور منذ عودتها من انجلترا
في تمام الساعه 8 وصل محمود وعائلته الي منزل نور
وكان في إستقبالهم

الدكتور منير والد نور والمهندسة فريده والدتها ونور وفي
جو من الترحيب العائلي داخل احضان منزل نور الممتلئ
بالحب في أركانه الدافئة

بدأ والد محمود الأستاذ وحيد في الحديث : أنا سمعت من
محمود عن ذوقك وأخلاقك يا دكتور منير بس الي سمعته
ولا حاجه جنب إلي شايفه أنا مستبشر خير بإذن الله .

دكتور منير وتحمل نبراته الترحيب والفرحة :

الشرف لنا يا أستاذ وحيد وإن شاء الله تكون معرفة خير
سحر والده محمود بصوتها الحنون الهادئ ... نور زي
القمر زي ما محمود وصفك عامله زي الملائكة .

نور وعلي شفتيها ارتسمت ابتسامة خجولة وبنره صوت
ملائكيه ... شكرا يا طنط محمود بس مجامل .

ساره بنبرتها التي تحمل شقاوة وحب الحياة ... لا يا نور
الصراحة مش بيجامل أنا حبتك أول لما شوفتك وإن شاء الله
نبقي أصحاب واخوات كمان.

الاستاذ وحيد ... بص يا دكتور منير أنا جاي النهاردة
ويشرفني أطلب منك إيد بنتك الجميلة نور لابني محمود
دكتور منير مرحبا بالحديث

دا شئ يشرفني طبعاً بس أنا أب وأهم حاجة تهمني رأي
نور اولاً وثانياً انت ناوي تعمل إيه في مستقبلك يا محمود .
محمود يعتدل في جلسته ليماً كلماته بالثقة

ناوي إن شاء الله أخلص كلية وأعمل مشروع مكتب ديكور
خاص بيا أنا عندي شقه صغيره جاهزة للمشروع بإذن الله
زوالسنة دي بإذن هتخرج .

يقاطعه دكتور منير بصوت ابوي

طيب اسمحلي يا إبنى عاوز أسألك سؤال

إنت مش شايف إنك صغير علي الخطوبة دلوقتي أنا
معنديش مشكلة إنك تخطب نور دلوقتي بس عاوز أفهم
وجهه نظرك.

أستاذ وحيد مبتسما محمود يبجب نور يا دكتور منير
ومش عاوز يخسرها وخايف لو فضل يتأخر تروح منه .

يتدخل محمود في الحديث مرة أخرى طارحا وجهه نظره

بص يا عمي أنا عارف أن نور شخصية متتعوضش

وعارف إنني لو إستنتت هتروح مني علشان كدا انا بتقدم

لحضرتك وانا لسه طالب وأنا عندي شقتي ومعاد الجواز الي

حضرتك تحدهه أنا هلتزم بيه.

دكتور منير : إيه رأيك يا نور؟؟؟

نور تبتسم بسمه حياء وحياء إلي تشوفه يا بابا .

دكتور منير بنبره ابوية فرحة يعني أقول موافقة يا نور

أه يا بابا محمود شخص كويس وأنا عاوزة أكمل معاه حياتي

.

دكتور منير : يبقي علي خيره الله

نقري الفاتحة يا دكتور منير وشوف حضرتك الوقت إلي

يناسبك لتحديد معاد الخطوبة والجواز وأنا تحت أمرك في كل

طلباتك .

يسترد دكتور منير في حديثه

الخطوبه لما يخلصوا امتحانات كمان شهرين والفرح بعد ما نور تتخرج يعني كمان سنتين .

أستاذ وحيد : باذن الله ونور هتبقى بنتي زي ساره بالضبط
سحر والده محمود محتضة نور ... أنا حبتك يا نور
وعاوزاكي تظمني يا مدام فريده نور هثيلها في عنيا زي
ساره واكثر .

فريده والدة نور ببيرة تحمل بين طياتها سعادته وفرحة
بفرحة ابنتها أنا والله ارتحتلكوا جدا وان شاء الله يبقى نسب
خير ونبقى عيلة.

ليقطع محمود حديثهم بطلب من استاذ منير ... ممكن
أستاذك يا عمي أكلم مع نور لوحدنا .

دكتور منير : إتفضل يا إبني قومي معاه يا نور أقعدوا في
الجنينه بره

لحد ما العشاء يجهز

أستاذ وحيد مقاطعا ... لا لا احنا الي لازم نعزمكوا بره
دكتور منير بنره الفه ... مش هتفرق احنا أهل وبعدين
نبدأها مع بعض بعيش وملح.

يخرج نور ومحمود ليجلسا سويا في الحديقة حسب رغبة محمود .

ظل محمود ناظراً الي نور ليبدأ في الحديث ... أنا اسعد واحد في الدنيا يا نور مش مصدق أنك خلاص معايا وبقتي عروستي أنا مش عاوز حاجة من الدنيا غيرك .

ظلت نور صامته لثواني تنظر لمحمود في ابتسامة خجل وطفوله ابتسامة لا يستطيع امهر رسام نحتها من جمالها وكأنها ابتسامة خلقت فقط لتكون لوحة فنية علي شفيتها ليكمل محمود حديثه ... أنا عارف إن كل حاجة جت بسرعة أحنا يمكن منعرفش بعض اوي بس اللي أوعدك بيه إني هحافظ عليكى وعمرى ما هخليكى زعلانة .

لتقطع نور حديثه

محمود ... محمود أنا بحبك بحبك من أول مره اتقابلنا فيها في الجامعة من أول مره جت عيني في عنيك حسيت إحساس غريب إحساس شدني معرفتش ولا فهمت هو إيه نظرتك ليا كانت بتحاوطني إستنيك تتكلم كثير وإنت متكلمتش حتى لما

اتخطبت قبل كدا علشان كنت بهرب من إحساسي بيك
إحساس أتملك مني من غير ما أحس

فاكرة تاني يوم ما اتخطبت ونظرتك ليا ووجعك الي شوفته
فيها بس إنت الي إتاخرت .

لما فسخت الخطوبة كنت أخدة قرار إني مفكرش فيك تاني
لكن

لكن لما جيت كلمتني وإعترفلي بمشاعرك أنا مشيت وسبتك
لأني خوفت بيان عليا مشاعري بيان حبي ليك.

محمود بذهول ونظرة سعادته تكاد تقفز من عينيه ... كل دا
كان جواكي يا نور ومخبية أنا كنت فين إزاي مشوفتش
كل دا أنا قعدت سنين خايف أعلنك عن مشاعري خايف
ترفضيها من كتر ما أنا حاسس أنك كتيرة عليا إنتي كتيرة
علي أي حد اصلا روحك الحلوة وطيبة قلبك ورقتك دول
مخليني دائما شايفك زي الملاك يا نور .

نور بخجل ونظره تحمل صفاء البحر في عيونها الزرقاء
.. أنا مش عارفة ارد .

محمود محتضاً كفيها بلمسة حانية تحمل أجمل معاني لهفة
الوليد للحياة ... وأنا مش عاوز منك رد يا نور مش عاوز
حاجة من الدنيا اصلا غير انك بقيتي معايا .

(وكانت هذه اللحظة أشبه بلحظة إجتماع الروح وتوحيدها مع
نصفها الآخر بعد أن فقدت كل روح طريقها منذ قرون)

الفصل الخامس

المعركة الأولى

محمود

يقال أن سعادة العمر يمكن أن تأتي لك في مرة واحدة هذا ما كان يشعر به محمود مع نور ويشعر وكأنه طائر في السماء ونور جناحيه ترفعه من أرض الكون لأعالي السماء .

بجمالها وطيبتها ورقتها ونعومة روحها كروح وردة في حديقة من الجنة لا وصف لها .

يفوق محمود من زحام ذكرياته علي ضوء الشمس ليكتشف أنه ذهب في النوم علي كرسي مكتبه أثناء تصفحه لألبوم الصور , يغمض عينيه في شوق وحنين لتلك الأيام التي كانت يديه تحتضن يد نور ولا تفارقها عندما كان ينام ويستيقظ علي صوتها وضحكاتها الطفولية .

ينظر إلي الألبوم مرة أخرى لتقع عيونه علي صورة تجمعهم بنور وسط أصدقائهم بالجامعة منذ سنوات .

يتذكر دفتر مذكرته الذي كان يكتب فيه منذ خطوبة نور وأنه منذ زواجه بنادين رحمه الله عليها أرملته لم يفتحه وكان آخر ما كتبه فيه يوم فراق نور .

فتح دفتر مذكراته الذي يحمل من خارجه إسم (نور الروح) ليقرأ ما كتبه منذ 8 سنوات بعد خطبته لنور .

بعد خطوبتي لنور إكتشفت حاجات كثير مكننتش مصدق إنها ممكن تكون فيها نور تظهر للكل إنها شخصية اجتماعية ومنفتحة للعالم بس الحقيقة والي أنا شخصيا إتفجئت بيها

أن نور ليها عالم لوحدها عالم بتاعها هي مبتدخلش حد فيه
غير اللي بتديله كل ثقتها وأنه الي بيخون الثقة دي بيخرج
منه للأبد .

نور إتولدت وعاشت عمرها كله في إنجلترا مرجعتش مصر
غير علشان تدخل الجامعة ودا كان من حظي علشان أعرفها
ودا اللي أدي إنها مش عارفه تتعامل مع المجتمع المصري
وطباعه ودا كان أكبر صدام بيني وبين نور علاقه الحب
بينني وبين نور إتبت علي حب القلب والمشاعر أو أنا كنت
فاهم كدا , مكنتش فاهم أن بيني أنا ونور أكبر من أي
مشاعر ممكن تتحكي أكبر حتي من الحب نفسه

بينني وبين نور أن روعي عشقتها

وروحها إرتبطت بروحي

كنت لسه صغير مش فاهم

ودي كانت البداية والنهاية

يضع دفتر خاطره جانبا ليعود بعقله سنوات للوراء جالسا
مع أكرم صديقه علي المقهي يتحدثا سويا في كل امور
الحياة

أكرم بنبره قلقة : مالك يا محمود سرحان كدا في حاجة
مزعلاك .

محمود بنرة تجمع بين الضيق والخوف : أنا محتار مع نور
أكرم مربتاً علي كتفيه

ليه يا صاحبي نور طيبة وبنت حلال وإنت بتحبها من زمان

محمود متهدا .. هحكياك

بدأت المشاكل بيني أنا و نور تظهر فرق التفكير نور ليها أسلوب معين في حياتها أنا مش قادر أتعامل معاه ولا وأتقبله بطبيعتي كراجل شرقي .

خروج حياة سهر شغل في الاجازة الاعتماد علي نفسها تماما في كل حاجة معاملة انجليزي في كل حاجة حتي الخروج تصمم تدفع حسابها زي ما إتعلمت طول حياتها برة مصر ماشية حياتها بعقلها ومن غير ما تشاركني قرارات تتعلق بيها

واحدة واحدة بدأت أتصدم بكل دا

عندك النهاردة مثلا كنا خارجين نتغدي برة وإنت عارف اد إيه أنا كنت فرحان إني خارج معاه أول مرة .
أكرم مقاطعا الحديث :أنا توقعت إنك هتكمل معاه اليوم بس إتفجئت بيك بتكلمني عاوزني أقابلك.

محمود متهدا

أنا كنت عامل حسابي علي كدا بس اللي حصل غير كدا ليقص عليه ما حدث من شجار بينهما أنه ...
بعدها انتهى من تناول الطعام تفاجئ بنور تطلب الحساب لتدفع نصفه كما تعودت دائما مع أي شخص .
ينظر محمود لها نظره ذهول وغضب .. نور إنتي بتعملي إيه

باستغراب يأتي ردها ... بدفع الحساب بتاعي

محمود بنبرة تحمل بداية شعلة الغضب دا علي أساس إيه
مش فاهم يعني إزاي تتصرفي كدا
ليأتي ردها وكأنه لم يحدث شئ بدفع حسابي
وبحدة غضب متزايدة .. ايه الكلام الي بتقولي دا.
دا النظام لما كنا في إنجلترا يا محمود لما أخرج مع حد كل
واحد يدفع حسابه ودا اسلوبى وأنا إتربيت علي كدا .
ظل محمود ينظر لها غاضباً وقام بإرجاع المبلغ الذي دفعته
إلي حقيبة يديها وهو يحاول أن يتمالك أعصابه حتي لا
يتشاجرا في أول مرة يخرجها فيها سوياً
وقام بدفع الحساب وسط غضب وأعتراض علي رده فعله
ورد فعل صامت من نور
واتجاها لركوب السيارة لكي يظل منهما طوال الطريق
صامت ولا ملامح لأي إبتسامة علي الوجه .
لينهي محمود حديثه عن المشاجرة بس يا صاحبي وكلمتك
علشان أشوفك أفضفض معاك أنا بحب نور بحبها بكل حاجة
فيها بس محتار معاها .
أكرم وقد ادرك لتوه مشكله نور الأساسية
محمود اللي إنت مش مدركه أن نور مش مشكلتها مين
اللي يدفع الحساب
نور مشكلتها أسلوب حياه كامل مش عارفة تتأقلم عليه لازم
تفهم النقطة دي يا صاحبي لو عاوز تكمل حياتك مع نور
بحب ..نور بتبذل مجهود جبار علشان تعرف تتأقلم علي
حياة مختلفة عن طبيعتها .

محمود وقد بدأ يشعر بالهدوء داخليا بعد ما باح بما بداخله
لصديقه .. عندك حق يا أكرم طيب أعمل إيه دلوقتي ؟

إتصل بيها يا عم وصالحها متضيعش يوم من حبك ليها في
زعل وبالراحة كدا وبهدوء كل الامور هتساوي ما بنكم
كل ما ذكره أكرم كان حقيقي جدا الذي لم يدركه محمود في
تلك اللحظة ان نور تعتبر تأقلمها مع أسلوب حياته تضحية
وما أعتبرته هي تضحيه تتطلب منها مجهودا جباراً كان
يعتبره محمود أمرا طبيعيا ولم يفهمه أبدا إلا بعد فوات
الأوان

غادر محمود واكرم المقهي ليتجه كل منهما الي منزله وعند
دخوله منزله قام بالإتصال بنور .
بعد أن هدأ غضبه قليلا

محمود بنبرة تحمل مشاعر الشوق ... ألو نور وحشتني
نور بصوت هادئ يحمل سعادتها الطفولية ليظهر ما كانت
تخفيه وأنها كانت منتظره مكالمته أنت زعلت من موقف
النهادة صح ؟

محمود بنبرة تحمل اللوم والهدوء : إنتي شايفة أن دا
موقف يا نور أصلا ازاي تفكري تحاسبي وتقولي كل واحد
يدفع نصيبه يا نور الكلام دا بين إثنين أصحاب مش إثنين
مخطوبين أنا مش هقبل بدا .

وتأتي كلمات نور الحانية لتطفئ ما تبقي من نار الغضب في
قلبه .

حاول تفهمني يا محمود أنا إتعودت علي حاجة وصعب
أغيرها أنا عشت عمري كله بره مصر ونزلت مصر علي
الجامعة ليا أسلوب حياة يمكن يفاجئك أو يلخبطك بس صعب
أغير لو علي الحساب ماشي ممكن يكون عندك حق في دي
بس في حاجات كتير هنختلف عليها بعد كذا أنا لازم
أوضحك الصورة من البداية

محمود مقاطعاً حديثها أنا مش عاوزك توضحي حاجة
يا نور أهم حاجة إنك معايا .

لا يا محمود لازم تسمعي علشان أنا عارفه إنك في أول
موقف هتحس باختلاف هتغير كلامك.

محمود بنبرته المعتاده الحانية وكأنه شئ لم يكن .. سببها
للأيام يا نور سبب الموقف تبين وتظهر وأنا أوعدك إنني
هكون هادي وأتفهم أي موقف هنبقي فيه مع بعض.

نور : أنا بحبك يا محمود وعمري ما في حياتي ما عرفت
يعني ايه حب يعني ايه امان إلا معاك من أول مره دق قلبي
ليك .

محمود: وأنا بحبك أنتي عارفه انتي بالنسبالي فرحه العمر
كله اتجمعت في حاجة واحده بس انتي يا نور .

(في الكثير من الأوقات الحياة تعطينا الفرحة كهدية مجمعة
من الكون لنعتقد أن كل شئ سهل وأنه لا توجد معارك
والحقيقة الغائبة عن عيوننا أن أكبر معركة تدخل فيها هي

معركة مع ذاتك لتحافظ علي الانسان الذي يرسم معني
الفرحة بداخل حجرة قلبك (...)

الفصل السادس

المعركة الثانية

محمود متصفحاً دفتر خاطره لتقع عينه على كلمات

حديثه الداخلى المكتوب

كانت الحياة بيني وبين نور تسير في وتيرة هادئة في أول شهرين بعد خطبتنا وبعد حل أول خلاف بيننا ومحاولة نور الدائمة للتأقلم مع الحياة في مصر بكل ما تختلف عنه في المجتمع الغربي الذي تعودت عليه كنت دائماً ما أراها تنتظر رد فعلي علي كل تصرف وكأنها طفلة صغيرة تتعلم الحياة علي يد والدها ولكني نسيت أن الطفلة الصغيرة كثيراً ما تتصرف بطبيعتها الفطرية التي عاشت وتربت عليها .

كان يوم إجتماع عائلي عند وصول خالة نور وأبنائها إلي مصر فكل عائلة نور قد إنتقلت لكي تعيش في إنجلترا منذ خمس وعشرون عاماً بالتوالي إبتداء من خالتها ثم والدتها وأبيها وعمها وأخيراً الأجداد ولم يتبقي أحداً يعيش في مصر منذ ذلك الحين .

كان هذا اليوم هو أول لقاء بيني وبين خالتها وأبنائها وبعد أن قامت نور بتعرفي علي عائلتها كانت صدمتي في تلك اللحظة أن هناك قبيلات واحضان بين نور وإبن خالتها علي سبيل أنها شبه أخوه قد تربوا معا منذ طفولتهم لم أستطيع تمالك نفسي فجذبت نور في غضب شديد .

محدثاً إياه بصوت غاضب... نورا إيه الي إنتي بتعملي دا إنتي بتستهيلي !!!

نور بدهشة ونظرة قلق تعتري عيونها في إيه يا محمود
مالك أنا عملت إيه ؟

لأكمل حديثي بوس وأحضان في إيه إنتي فاكرة نفسك فين
إنتي في مصر مش في بلاد برة بتعملي كدا وفي راجل
معاكي أمال لو مش معاكي راجل كنتي هتعملي إيه !!!
نور وبدأت عيونها في تخبئه دموعها

دول إخواني يا محمود متربين معايا من وأنا طفلة أنا مش
هعمل كدا مع حد غريب وبعدين بتقولي أنا مش في بلاد برة
أنا فاكرة كويس أنك قولتلي أنك هتقدر تتفهم كل حاجة
بعملها ودا واضح فعلا شكراً إنك بهدلتني أدام أهلي .
ظل الصمت سيد الموقف للحظات وإستردت محدثاً نور مرة
أخري :

أنا ماشي يا نور لما تروحي إبقى طمنني عليكي
نور بنرة مستنكرة تحمل الغضب والألم ... هو الحل إنك
تمشي يا محمود إحنا عندنا مشكلة لازم نواجهها دي مش
طريقة .

وبعد نظرة طويلة مني لم أجد ما اقوله لأنني كنت اعلم جيداً
أن أي كلام سيخرج من علي لساني لن يزيد الموقف الا
إشتعالاً بيني وبين نور .

مقاطعاً حديثها سلام يا نور

لم أكن أعلم هل توديعي لنور في هذه المعركة منعاً لبدء
معركتي الدخلية ام هروباً من مواجهة نور كما قالت....

إتجهت في هذا اليوم إلي منزلي وأنا لا أري شيئاً وعقلي متوقف عن التفكير من حدة الغضب .

يغلق محمود دفتر مذكرته ليعود بعقله متذكراً ما حدث هذا اليوم

دلفت الي غرفتي ولم اقوي من التعب الفكري علي تحمل إضائتها فأحتفظت بظلامها وفي وسط زحام أفكارى وعراكي الداخلي إنتبهت لسارة تدق علي الباب برقتها المعهودة وشقاوتها دائما ما كنت أشعر أن سارة إختي وصديقتي وإمي في أن واحد فمنذ طفولتها وكنا علي عكس ما هو متداول عن الاشقاء في خلافتهم أنا وسارة دائما ما بينا حالة تناغم وتفاهم نادرة .

سارة بنبرة هادئة تحمل الحنان : ممكن أدخل يا محمود .

محمود متهدأ : اتفضلي يا سارة تعالي يا حبيتي

سارة مربتة علي ظهره .. مالك يا قلب أختك دخلت الأوضة وشكلك مهموم ومضايق حصل حاجة ؟

بصوت مكتوم لا ولا حاجة

ساره وتحمل بين طيات عيونها قلق علي ما شعرت به داخل نبراته إنت مش كنت خارج النهاردة مع نور وأهلها في حاجة حصلت شدتوا مع بعض ؟

ولازالت نبراته تحمل نفس الصوت المكتوم : سارة أنا عاوز أقعد لوحدي ممكن ؟

سارة جالسة بجوار أخيها تضمه بين أحضانها

مالك يا حبيبي أحكي يمكن أقدر أساعدك نور جميلة وبتحبك
أي خلاف ممكن طبيعي يحصل إنتوا لسه بيتعرفوا علي
بعض .

محمود وقد بدأت روحه في إسترجاع هدوءها : عندك حق
أنا هحكيتك وقوللي أنا صح ولا غلط .

ساره بنرة حنون ... إحكي يا حبيبي أنا سمعك ومتخفش
أي حاجة هتحكيا هتفضل ما بنا إنت عارف أنا طول عمري
كاتمة أسرارك.

ظلت ساره مستمعة إلي حديثي وشجاري مع نور إلي النهاية
بنظراتها الحانية المتفهمة

بعد إنتهائي من كل ما حدث علي مدار اليوم وشرحي لها
لعراكي الداخلي ما بين حبي لنور وعدم مقدرتي علي تحمل
أسلوبها في الحياة ونظرتها للأمور مع تقديري لمحاولتها
من تغيير نظرتها للأمور لإرضائي

سارة بنبرة صوت هادئة تحمل حكمتها.... بص يا محمود
إنت غلظت في حاجات ونور غلظت في حاجات ...
مستنكرا أنا غلظت في إيه .

سارة مربتة علي ظهري بلمسة ام حانية ... إنت غلظت في
إنك مش قادر لحد دلوقتي تستوعب نور .

نور بتتعامل بطبيعتها يا محمود نور عايشة طول عمرها برة
مصر .

ثقافة وأسلوب حياة مختلف عننا وإنت راجل شرقي يا حبيبي
عارفه ودمك حامي .

بس لازم تفهم أن نور مش بتتصرف كدا تقليل من إحترامها
ليك نور بتحبك وبتحترمك بس في نفس الوقت هي شخصية
مستقلة وإتربت علي كدا مينفعش إنت في يوم وليلة تقولها
إتغيري وهي عرضت عليك إنها تقعد وتتناقشوا في الفروق
الي ما بنكوا وتحاول تحلوها إنت الي رفضت.

محمود متهدأ بنرة قلقة ... خوفت أحس يا ساره إني صغير
أدمها وتحس إني مش فاهمها خوفت تضيع مني لما تقرب
فاهمني.

فهماك يا حبيبي بس دا مش صح يا محمود لازم تقرب
علشان تشوف الصورة واضحة أنا عارفة أد إيه إنت بتحب
نور من زمان بس علشان الحب دا يكمل لازم تفهمها
وتستوعبها بكل الأختلافات الي ما بنكوا .

متاولا هاتفه الخلوي عندك حق يا سارة ويبدأ في الإتصال
برقم نور .

هتصل بيها حالاً أصالحها وأتفاهم معاها أنا برضه كنت غبي
في ردة فعلي

ساره بنرة فرحة .. ماشي يا حبيبي ربنا يخليكوا لبعض .

محمود بنبرة قلقة متلهفة : بتصل بنور موبيلها مش بيرد
وبعدين إتقفل

ساره تحاول أن تطمئنه : أكيد زعلانة يا محمود أنا شايفة
إنك تروح تصالحها

محمود... الوقت أتأخر دلوقتي وفي نفس الوقت مش
عاوزها تبات زعلانة مني

ساره وقد لمعت عيونها بضحكتها التي تأخذ القلب ... طيب
أنا عندي فكره إيه رأيك أنزل معاك وتروح تجيبها ورد
وتصالحها مهما كانت زعلانة منك أنا واثقه لو عملت كدا
هتصالحك .

محمود وقد لمعت الفكرة في قلبه .. فكره تحفة طيب يلا بقي
إجهزي وتعالى معايا .

نور نوفمبر 2017

نور تقف إمام دولاب ملابسها لتتنقي ثوباً للنزول في الصباح
الباكر فهي لم تتم تقريبا في تلك الليلة وبينما تفتش في
دولابها في الطابق العلوي منه وقع علي الارض صندوقاً
كانت قد خبئته منذ يوم فراقها لمحمود ولم تفتحه منذ ذلك
الوقت ينتقل معها أينما ذهبت من بلد الي بلد ولكنها لم يكن
لديها الشجاعة علي مواجهه ما به من ذكريات حبها القديم
نظرت نور إلي الصندوق في دهشة وشعرت كأنه وقع أمام
عيونها في هذا التوقيت تحديداً بعد لقائها صدفة بالأمس
بمحمود ظلت شاردة تنظر الي الصندوق وخيل لها وكأن
الصندوق يستجد بها أن تفتحه لتحرر ما به من ذكريات
للنور .

أمسكت نور الصندوق وتهدت طويلا وكأنها تستعد لعراك
داخلي كانت تعلم أنه أقوى منها بكثير في تلك اللحظة وبعد
الكثير من النظر والشروذ في الصندوق

محدثه نفسها ... إلي متي سأظل أهرب من مواجهة
الذكريات إلي متي سأظل أهرب من مواجهة نفسي أنا لازالت
إلي هذه اللحظة أحبه لم أتوقف عن حبه يوماً لقد كنت أعلم
أنه بعد سفري سيظل يبحث عني ولكن كرامتي وعنادي منذ
ثمانى سنوات كان حاجزاً بيني وبينه دائماً ما كان يمنعني
من الرد عليه يوماً؟؟؟؟ دائماً ما

سأظل أسأل نفسي ماذا لو لم أسافر في تلك الليلة التي
ودعني فيها معلناً قراره بالإنفصال؟؟؟ ماذا لو كنت إنتظرت
للصباح في هذا اليوم؟؟؟ هل كان تغير كل شئ؟؟؟ هل كان
قراري في هذه اللحظة بالهجرة نهائياً قرار قد اتخذته في
بضع دقائق من جمره الوجد لو كان هذا القرار تأخر ليوم
واحد هل كان سيحدث كل هذا؟؟؟؟ عندما رأيته بالأمس كل
ما تمنيته أن أرتمي في أحضانه وأصرخ ألما ألما مكتوم منذ
ثمانى سنوات قطع شرودها دموعها الساخنة علي
وجنتيها وكأن دموعها شعرت بقوة بركانها الداخلي
فتحررت من عيونها لتفيقها وتعيدها الي الواقع .

مدت نور يديها الي الصندوق وقامت بفتحه وهالها كمية
الأتربة المخزنة منذ سنوات عليه وكانها تحاول دفن حي
رغما عنه وهو متمسك بالحياة ...

مدت نور يديها الي خواطر كانت قد كتبتها في يوم شجارها
مع محمود تعود الي يوليو 2008

تبتسم نور في وسط دموعها وهي تتذكر احداث المشاجرة
يوم إجتماعها مع خالتها وأبنائها وغيره محمود , تمسك
كارت حب قد أعطاه لها محمود يوم أن أتى إلي

منزلها في تلك الليلة في الثانية عشر مساءً لأنه لم يكن يريد أن يطول سوء التفاهم بينهم تنظر إلي الكارت وتقرأ كلماته

بحبك يا نور حقك عليا معرفتش أنام وإنتي زعلانة مني دموعك غالية عليا عارف أن وعدتك وأنا هكون عند وعدي يا نور الروح

تغمض عيونها متذكرة هذا اليوم في حدود الساعة 12 مساءً كان باب منزلها يدق وكان من يدق في ذلك الوقت محمود وسارة.

في تلك اللحظة كانت نور في غرفتها تحاول النوم ولا تستطيع من دموعها فلقد كان رد محمود صادم بالنسبة لها لقد وعدتها أن يستوعب الفرق ما بين نظره كل منهما إلي الحياة بهدوء ولكنه لم يفعل هذا ونهرها بشده أمام أقاربها . يقطع بكاءها صوت الجرس ووالدها يرحب بمحمود وسارة وفي نفس الوقت تدخل والدتها الي غرفتها فريده بنره هادئة اعتقادا منها أن ابنتها نائمة : نور إنتي نمتي ؟

نور بنبرة تحمل الحزن والدموع المكتومة : لا يا ماما أنا صاحية... هو محمود جاي مع ساره أخته علشان ينهي كل حاجة صح

فريده محتضة ابنتها لتتقل لها حنان الاطمئنان : ينهي إيه يا نور إزاي تفكيرك يروح لحاجة زي دي محمود جاي وجايب بوكية ورد الي بتحبيه وجاي يصالحك وطالب دقايق يشوفك

نور مبتسمة في وسط دموعها وكأنها طفلة أخبروها للتو
بنجاحها في امتحانها بإمتياز ... بجد يا ماما
تقوم نور وترتدي ثوباً كانت تعلم أن محمود يحبه وتضع
القليل من المكياج الهادئ وتصفف شعرها ببساطة وتخرج
لتقابل محمود وسارة

- وجد قلبى شعاع الروح .. فانفتح قلبى وانشق ،
ووجد قلبى أطلس جديداً .. فصرت عدوا لهذه
الخرق .

شمس الدين التبريزي

الفصل السابع

الصحوة الأولى

نور- نوفمبر 2017

تفتح نور دفتر خواطرها القديم وتبحث فيه عن عام يوليو 2008 لتعيد إحياء ذكري قد حاربت الكثير من العمر لدفنها

تتذكر ذلك اليوم يوم أن جاء محمود لها ليصالحها كم كان رقيق وبرائته مثل الاطفال تتمهر دموعها مع ذكري لون عيونه الخضراء المبتسمة لها عندما خرجت لإستقباله ببساطتها وجمالها الذي طالما عهدا منها

محمود يمسك يديها ويقبلها برقه محدثا إياه .. أنا أسف يا نور حقك عليا أنا بعترف إني غلظت وزعلتك .

تقاطعهم والدة نور بص يا محمود خذ نور وأنزلوا أقعدوا تحت في الجنينه شوية إتكلموا وأتصافوا بهدوء نور بنتي بتحبك وأنا عارفه إنك بتحبها .

ينزل نور ومحمود إلي الحديقة ويجلس أمامها تاركاً عيونه غارقة في بحر عيونها للحظات لا يعرف عددها فكل ما بداخله قد نقل الي روحها بنظرة عيونهما .

يقطع محمود الصمت : نور ساكته ليه

نور بنبرة هامسة .. أنا محتاجة أسمعك يا محمود أنا عاوزة أسمعك .

محمود بنبرة حانية ... طيب إنتي لسه زعلانة مني .

مش فكرة زعلانة يا محمود او لا الموضوع أكبر من كدا
بكتير هشرحك بس أنا عاوزة أسمع وجهه نظرك في
البداية .

محمود مقاطعاً بصي يا نور إنتي عارفة أنا بحبك أد إيه
وبغير عليكي بحس إنك بتاعتي بتاعتي انا وبس لما شوفتك
النهاردة واقفة مع ولاد خالتك وعمالة بوس وأحضان دمي
علي ومستحملتش أشوفك كدا فكان رد فعلي بالشكل الي
إنتي شوفتي معترف إني يمكن إتعصبت جامد وزعقت وإنتي
مش متعودة علي كدا وإنك متربية علي الحوار الهادئ
والمناقشة بس دا كان خارج عن إرادتي .

ظلت نور لدقائق صامته لم يكن محمود الي تلك اللحظة يعلم
أنه بداخل عقل نور حرب داخلية تفوقها بمراحل حرب
التخلي عن كل شئ معه والعودة الي الأصل الاجنبي أم
التمسك بكل شئ والتخلي عن حياتها السابقة تماما بعد قرار
أهلها بالهجرة مره أخري نهائيا الي انجلترا بعد زواج نور
مباشرة وعدم الرجوع الي مصر مره اخري فالبنسبة لهم هم
أغراب علي ارض الوطن وومواطنين متمين الي ارض
الغرب .

خرجت نور عن صمتها ... بص يا محمود إنت عارف أنا
رجعت مصر إمتي

قبل الجامعة علي طول حتي الإجازات مكناش بنزلها يعني
حتي لحد النهاردة مش عارفة أعيش هنا ولو في حاجة
هتخلني أستقر في مصر يبقي أنت يمكن أنا هقولك خبر

دلوقتي هيكون مفاجأه أهلي قرروا العوده إلي إنجلترا نهائياً
بعد جوازنا محدش فينا مرتاح هنا .

نزل الخبر في تلك اللحظة علي محمود كالصاعقة يعني إنتي
ممکن تسافري تاني

نور ممسكة يد محمود بحنية

لا يا محمود أنا بقولك أنا مش هرجع معاها بابا قرر أنه
يرجع هناك من الشهر الجاي وماما هتفضل تسافر ما بين
مصر وإنجلترا لحد معاد جوازنا أنا مش همشي يا محمود أنا
هضحى علشانك وإنت أكثر واحد عارف إنى مش عارفة
أعيش هنا يعني أنا هبقي لوحدي في مصر هنا علشانك من
غير أهل هتبقي إنت بس أهلي وسندي في البلد دي .

فمن فضلك أنا متعودة علي نظام حياة معين وطباع
وتصرفات عارفه أنه ممكن مينسبكش بس بالراحة عليا إنت
هتبقي كل الي ليا هنا .

هتقدر تكون أماني وحمائتي يا محمود وإنت بتخوفني ؟؟؟؟
محمود محاولا تجميع كلماته ..نور هو إنتي خوفتي مني
النهاردة؟؟؟؟

أه جداً يا محمود خوفت من رد فعلك وزعيقك قعدت أفكر كدا
لو أنا معاك ولسه ليا حد هنا طيب في موقف تاني ممكن
تتصرف معايا إزاي؟؟ لو أنا معاك لوحدي في مصر
وإتخانقنا هتمشي وتسبني برضه؟؟

ممسكاً يديها محاولا طمئنيتها أكيد لا يا نور بعد كدا أكيد لا يا
نور أوعدك أن دا مش هيتكرر تاني وبعد كدا هتقعد وأسمعك

... نور أنتي النور الي بينور حياتي النور الي من غيره أبقى
من غير روح .

نور أنا أسف حقك عليا لو الموقف دا إتكرر أوعدك إني
همسك أعصابي بس متزعلش مني .

نور بنبرة تحمل الهدوء والحنان توعدني بجديا محمود
محمود أنا بحبك مش عاوزه أخاف منك ولا أندم في يوم
علي تضحيتي إني ارجع مع أهلي علشان أفضل معاك .
لتأتي كلماته بوعد لها

تستفيق نور من قراءة خواطرها وذكرياتها علي صوت
المربية :

صباح الخير مدام نور حضرتك صاحبة بدري النهاردة
تداري نور دموعها بيديها صباح الخير أنا مجاليش
نوم تقريبا من فضلك خدي بالك من محمود أنا هلبس وأنزل
أُقعدي علي البحر لما محمود يصحي فطري من فضلك
وإتصلي بيا هرجعله هو لسه فاضل علي موعد صحياته
ساعتين .

ترتدي نور ثوبا رقيقاً كانت تمتلكه منذ ثماني سنوات رفضت
أن تتخلص منه ضمن مجموعة من الأثواب كانت دائما ما
تذكرها بمحمود ورغم مرور السنوات لازال جسد نور يحتفظ
بكل تقسيماته كما كانت منذ سنوات فكان الثوب رقيقا هادئاً
وصففت شعرها برباط شعر رقيق وعندما نظرت الي المرأه
شردت قليلا فلم تنبه منذ سنوات انها لازالت محتفظه بنفس

ملامحها وشكلها حتي لون شعرها منذ أن كانت طالبة وقت
خطبتها لمحمود

نور محدثه نفسها : يمكن نفس الشكل بس القلب إتكسر
والعيون دبلت والروح موجوعة وجع ملوش أخر تمسك
هاتفها لتفتح الرسائل لتقوم بارسال رسالة الي الطبيبة
النفسيه التي تتابع معها منذ سنوات خوف من وقوعها في
فخ الاكتئاب وقد إتفقت معاها ما بين جلساتهم أن ترسل لها
رسائل تدون فيها شعورها وألمها الداخلي

*إنما في داخلي غربة تسكن غربة أنظر الي مرائتي
فلا تتعرف علي وجهي نفس ملامحي يسكنها شبح
غريب من الوحدة المرغوبة والخوف المشتت في
جميع أنحاء روعي تحدثني مرائتي هل هذه أنا أم سكن
ملامحك روحاً فقدت نكهة الحياة و ألم غير طعم الروح
..أري في عيون مرائتي كم أفتقدت بسماتي الراحلة
ومن أين تأتي البسمات في مقبرة الأرواح *

تذهب نور الي نفس المكان الذي اعتادت الجلوس فيه يوميا
علي شاطئ البحر في عز عراك موج البحر مع برودة جو
نوفمبر وإختلاط لون البحر بدرجات السحاب تفتح موقع
فيس بوك الخاص بيها واول ما تقع عيونها عليه وكأنها
إشاره من القدر

الحب لا يكتب على الورق ، لأن الورق قد يمحوه الزمان ،
ولا يحفر على الحجر لأن الحجر قد ينكسر ، الحب يوصم في
القلب وهكذا يبقى إلى الأبد. - جلال الدين الرومي

تشرد نور في قول جلال الدين الرومي محدثة نفسها ..
الحب كالوشم في القلب عندما يدخل الي روحك فلا يخرج
مرة اخري هكذا كنت أنت يا محمود ..

.....
في الجهة الأخرى من الشاطئ يجلس محمود في شرفة
منزله شارداً في عالم آخر بعد ما خاصم النوم جفونه في تلك
الليلة

ممسكا بصورة نور التي لم تفارقه منذ سنوات يحدثها
وكانها تسمعه وتحادثه

لا أعلم ما حدث لي منذ رأيتك بالأمس شعرت إمام عيونك
أنه قد ابتلعني فجوة زمانية كل هذه السنوات فجوة اخذتني
من روحي ولم أشعر بطعم الروح الا في عيونك .. الطعم
الذي تذوقته لعامين كانا زادي في كل السنوات لا تعلمي يا
نور الي هذه اللحظة انني كلما أشعر بضيق اغمض عيوني
لاري صورتك امامي لم تفارقني لحظة فأنتي لم تكوني مجرد
فتاة أحببتها أنت نور الروح.... يضع الصورة في محفظته
ليفتح موقع الفيس بوك الخاص بيه ليكون اول ما يقع
عيونه عليه

و الله ما طلعت شمسٌ ولا غربت
إلا و حبّك مقرون بأنفاسي

ولا خلوتُ إلى قوم أحدثهم
إلا و أنت حديثي بين جلاسي

ولا ذكرتُ محزوناً و لا فرحاً
إلا و أنت بقلبي بين وسواسي

ولا هممت بشرب الماء من عطش
إلا رأيتُ خيلاً منك في الكاس

تبسم محمود عندما قرأ كلمات العلاج التي كلما سمع تلك
المقطوعه منذ سنوات يشعر وكأنها رساله تخرج من روحه
الي نور

محدثاً نفسه .. مهما كذبت علي من حولي وقولت أنك قد
فارقتي فأنت لم تفارقي يوماً قلبي يا نور منذ يوم رحيلك لم
تعرف روعي إلا عطش الظلام لم يرويه الا رؤيتك بالأمس
يتنهد محمود وكان انفاسه تتحدث عما كتبت عن الوجد
بداخلها لسنوات مضت ألم مسجون بين أنفاسه يشعر به مع
كل زفير وشهيق وصوته معدوم لا يقدر علي الصراخ من
الألم محدثاً نفسه

لم أكن أعلم أن بعض اللحظات المسروقة من الزمن بصدفة
منحني القدر اياه

ستخرج كل الألم والشوق المدفون منذ يوم فراقك

لم أكن أعلم يا نور في يوما ما اني بمجرد رؤيتك سأعود
لأتحدث باللغة العربية الفصحى التي أعلم كم كنت تتضايقين
لعدم فهمك ما تحويه في كتابتي .

يتذكر نور وضحكاتها البريئة عندما كان يحاول التحدث
معاها باللغة العربية الفصحى التي عشقها من قرائته في
الشعر الصوفي للحلاج وشمس دين التيربزي وجلال الدين
الرومي وغيرهم وكم كانت نور تضحك لأنها لا تفهم ما
تحويه الكلمات من معاني وتتحدث معه بالإنجليزية حتي
يتوقف عن التحدث معاها بالعربية الفصحى .

ينتبه محمود أنه قد اعد افطاره ولكنه لم يتناول حتي كوب
الشاي فقرر أن يذهب إلي مكانه الذي يجد فيه الراحة سور
البحر ويتناول إفطاره خاصة أن اليوم يوم عطلته فلا يوجد
وراءه عمل وموعده مع ساره أخته بعد العصر

محمود محدثاً نفسه : الساعة الآن الثامنة صباحا أمامي
الكثير من الوقت لأجلس علي البحر

فهذا المكان الوحيد الذي اشعر فيه بروح نور تطوف معي
تحاصرني ذكرياتها وضحكاتها حتي بكاءها يوم الرحيل
وكأنه شريط سينمائي بمجرد ان أنظر الي البحر أراه بين
موجاته .

يسير محمود علي سور البحر متوجهاً الي الكافتيريا التي
كان دائما ما يجلس عليها مع نور

يحاوطه بروده الجو وبعضا من نقاط الامطار الخفيفة
وصوت أمواج البحر بقوة ضرباته في الصخور وكأنها

غريق يصرخ للنجاة مثله تماما يصل إلي باب الكافتيريا
وكانه مبرمج دون تخطيط منه فهذا الطريق الذي أتخذه
يوميا منذ شهر منذ عودته من السعودية بعد تصفيه أعماله
هناك فلم يتبقي له أي شئ ليبقي من اجله فلقد توفي والده
العام الماضي وتوفيت زوجته نادين منذ 3 اعوام فلم يتحمل
البقاء وحيدا وقرر العودة والاستقرار في الإسكندرية ليكون
بجوار والدته وشقيقته سارة وفي غمرة شروده يتصادم بيها
علي باب الكافتيريا وكأنها صورة مستحضرة من الماضي
بثوبها الرمادي الذي طالما عشقه عليها وشعرها الطويل
المجدول برباط رقيق مثلها
ليهمس متفاجئا وكأنه في حلم نور

وكم من صدفة أحييت في القلب حياة

الفصل الثامن

هل من مدد للحياة؟؟

تذوب الكلمات في نظرة عيونهما وعدم استيعاب كل منهم أن نصفه الآخر أمام عيونه مره اخري في أقل من 24 ساعة وكان ضجيج الروح قد قاد كل منهما الي هذا المكان بحثا عن نصفه الآخر .

يدور في رأس كل منهما نفس الإستفهام ... هل كان عدم لقائنا ولو صدفة طوال الاعوام السابقة رحمة من القدر أم عقاب لكل منهما علي التفريط في من سكن قلبه وتسليمه للغد والظروف ؟؟؟؟

يقطع محمود الصمت بإبتسامة تخرج من أعماق قلبه وكان الروح مبتسمة .. ازيك يا نور.

أنا مش مصدق إني شوفتك تاني النهاردة صدفة .

نور في ذهول ومحاولة تفريق الحلم عن الواقع .. ازيك يا محمود ... أنا كمان مش مصدقة ... محمود دا نفس المكان . ويخرج صوته وكأنه من منبع الروح ... مبطلتش أجي يا نور ... مبطلتش أجي .

نور و عيونها تتحدث قبل كلماتها.... وانا معرفش أنا رجلي جابتنى هنا إزاي أنا كنت قاعدة في الكافتيريا الي هناك وخرجت قولت أتمشي شوية علي البحر لاقتني وصلت هنا مبتسما ... ودا لحظي الحلو علشان

بصوتها الرقيق وابتسامه شوق ... علشان ايه يا محمود

تأتي همساته علشان أشوفك يا نور طممني علي حياتك
... هو أنا ممكن أعزمك علي شاي وشيكولاتة لسه يا نور
بتحبي تشربي الشاي وتأكلي شيكولاتة أدام البحر .
نور بابتسامه منبعثه من روحها ... أه لسة إنت لسة فاكِر .
بصوت يحمل تنهد الم الفراق عمري ما نسيت حاجة يا نور .
يدخلان معاً الي الكافتيريا ليختاروا منضدة مقابلة تماماً
للبحر عادة في هذا الوقت من الصباح الباكر يكون المكان
هادئ جداً إلا من ضجيج الامواج .
تجلس نور أمام محمود وكأنه يستوعب انه في حقيقة ونور
تجلس أمامه فعلاً وليس من قبيل الحلم و الخيال .
محمود مستدعياً النادل ... واحد شاي بدون سكر وواحد
شاي بمعلقين سكر وقطع من الشيكولاته بالحليب
وكانهما لم يفترقا لثمانى سنوات وكان الروح وجدت خليلها
بدأت نور تحكي وكانها أصدقاء لم يفرقهما عمر ولم يتفارقا
يوماً

نور وقد بدأت في سرد ما مضي من عمر دونه بنبرة تحمل
الألم وانين الزمن ... لما سافرت إنجلترا أنا بدأت أدرس
هناك هندسة ديكور قررت أعمل ماجستير في جامعة
مانشستر وأتعمق في دراستي كان كل همي إني انجح في
دراستي وبس لحد ما إتعرفت علي مارك .
مارك كان الدكتور بتاعي وعنده مكتب ديكورات معروف في
ولاية مانشستر بدأ يقرب مني وأداني فرصة عمري إني

أشتغل في مكتبه توطدت العلاقة ما بنا بس من بالنسبالي
كانت علاقه صداقة او ابوة مش لاقية ليها مسمي لحد
النهاردة هو أكبر مني ب 15 سنة لحد ما في يوم فجائي إنه
طلب إيدي للجواز .

طبعا وقتها رفضت لأنه علي غير ديانتي أنا أه مكنتش بفهم
في الدين زي ما كنت بتقول عليا زمان بس فتره إنفصالنا
اول لما سافرت إتعمقت في قراية كتب الدين وعرفت حاجات
كثير أوي.

تبتسم إبتسامة ليأتي خلفها ضحكة بألم تصدق يا محمود
أني بقت بحب شمس دين التبريزي زيك وبحب اللغة العربية
للتوقف عن الكلام وكأنها أدركت انها لست في لحظات عتاب
فهي حتي لا تعرف شيئاً عن حياة محمود بعد كل هذه
السنوات .

محمود مبتسما .. سكتي ليه يا نور .. عارفة إنها مفاجاه ليا
إنك بتحبي الشعر الصوفي زمان كنتي بتقوللي إيه الكلام
الغريب دا ومين شمس دا
ليضحك كل منهما وكأنهما للحظة من الزمن تنسا مرور العمر
دون الآخر .

تسترد نور مكمله حديثها

بعدها بشهرين تقريباً اتفجئت بيه بيستدعني في المكتب
الرئيسي في الفترة دي كان بيحاول يتقربلي بكل شكل

دخلت المكتب علشان أتفاجئ بيه بيديلي نسخة من المصحف
بيقولي أنه أشهر إسلامه .

وانه دلوقتي مافيش عندي أي مبرر لرفضه

عقلياً هو كان شخص مناسب جداً أي بنت مكاني تتمني
برفسيور في جامعة مانشتسر عنده مكتب مشهور جداً أي
مهندس في مكاني كان يتمني فرصه زي دي أو أنا كنت
فاكرة كدا

كل حاجه تمت بسرعة جداً توضيب البيت الفرحة جوازنا كل
حاجة تمت بأسرع مما كنت أتخيل أو أتوقع ملحقته حتى
أقعد مع نفسي لو فترة علشان أفكر إذا كان دا اللي أنا عاوزة
فعلا أو لا .

تتنهد نور لتناول قطعة من الشيكولاتة مع رشفة من الشاي
وتنظر للحظات الي البحر لتغرق روحها بين أمواجه وتعود
من جديد إلي الواقع تنظر لمحمود مكلمة حديثها بنبرة تحمل
الألم والوجع تفوق حجم روحها

بعد ما إتجوزت مارك كل حاجة أختلفت مبقاش البرفسيور
بتاعي ولا المهندس الإنجليزي الأنيق من أول ليلة في
زواجنا وإكتشفت فيه شخصية تتلذذ بوجع كل اللي حوالية
ساعتها فهمت ليه مافيش أي علاقه نسائية إستمرت في
حياته ولأن الفاس وقعت في الرأس زي ما بتقولوا عندكو
في مصر كان لازم أستمر خصوصاً أني مكنش عندي
إستعداد إنني أعلن فشلي مره ثانية.

ليقاطع محمود كلامها بتهيده داخليةأنا الي كنت فشلك
المره الأولي يا نور صح.

تكمل نور كلامها وكان محمود لم يقل شيئاً لأنها تعلم في
داخلها جيداً أن ردها سيقتل كل منهما حياً .

عشت مع مارك أسود أيام عمري ضرب وإهانته إستهزاء
بكل حاجة حلوة أعملها .

معرفش إزاي الإنسان ممكن يكون بالشكل دا

إنسان لبق جداً أدام كل اللي حوالية مثال يحتذي بيه في
الذوق والرقي في التعامل

بس لما يتقفل عليكوا باب تلغي جميع المظاهر العرقية
والداخلية ولا يبقى الا السواد

والي اكتشفته بعد كدا إنه حتي دخوله الاسلام كان مجرد
صوره شكلية من اجل جوازه مني بس

وتسترد نور في حديثها ممسكة دموعها فضلت الفترة

الأولي من الجواز مش بحكي حاجة لحد من اللي حواليا

متعودش أظهر ضعيفة او مهزومة أدام حد لحد ما جه مرة

كان سكران تماماً مش شايف أدامه صحيت علي تكسير

جامد في الاوضة وضرب بدون مبرر واضح ووقتها الحاجة

الوحيدة إلي كانت اداامي إني خرجت بملابس النوم وبدون

نقود وإتجهت لبيت والدي الي كان بيبعد اكثر من ساعة عن

بيتي هربا منه فجراً .

وصلت بيتي والدي وأنا في حاله تامة من الانهيار واول لما

ماما فتحت باب البيت علي اصوات الجرس المتتابعة مني

في حالة ذهول سقطت بإغماء ولم أدري بأي شئ بعدها غير وأنا في المستشفى وفي حضن ماما اللي بتحاول تفهم اللي حصل خاصة انهم حاولوا يتواصلوا كتير مع مارك وبما أنه كان سكران الليلة الي قبلها فدخل في حالة نوم عميق ومش داري بحاجة وأول ما بدأت أفوق وأجمع لدكتور فجانني بخبر الحمل وقتها مكنتش عارفة أفرح ولا أزعل كل الي اعرفه إنها كانت اللحظة الي خدت فيه قرار الإتصال عن مارك .

زي ما يكون لحظة معرفتي بحملي هي لحظه قراري
بالتحرر من سجن مارك

تصمت نور لتشعر كأنها تريد مسح تلك الفتره السوداء من ذاكرتها فما مرت به من علاقه زوجية كانت كفيلة ان تجعلها تلعن كل رجل بما فيهم محمود فدائما ما في داخلها جزء يحمله ذنب زواجها من مارك .. إحساس مؤلم لم تبوح به أبدا حتي داخلها

يقطع محمود الصمت محاولاً تجميع كلماته فما قصته عليه نور من حياة مؤلمة مرت بها كان كفيلاً أن يشعره بالذبح حيا بداخله سؤالاً واحداً فقط فكيف أن كل هذا الألم تتحمله نور بكل رقتها وجمالها ؟؟؟؟ هل كل هذا ذنبه أنه تركها في يوم ؟؟؟ أم هذا هو النصيب ؟؟

لياتي صوته الدافئ .. ياااه يا نور إستحملتي كل دا ... أنا أسف علي كل الألم اللي حستي بيه .

نور بصوت مكتوم محاولة رسم ابتسامة .. أسف علي إيه هو نصيب ... المهم إحكلي انت بقي عن حياتك .

محمود بنظره حاضنه لقلب نور وكان عيونه تواسيها لسه زي ما إنتي يا نور رغم كل وجعك بترسمي ابتسامه .

ولازالت علي شفتيها نفس الأبتسامه فاكر زمان كنت بقولهاك دايماً الإبتسامه أسلوب حياة يلا كلمني عنك وعن حياتك وتصمت للحظات ثم تكمل حديثها..... وعن مراتك . أنا لسه راجع مصر من كام شهر قررت إني هستقرهنا بعد

....

ليقطع حديثه جرس المحمول الخاص بنور وتستأذنه نور في التحدث

دي المربية بتاعت محمود ثانية واحدة أرد عليها ونكمل كلامنا سوري اني بقاطعك .

المربية علي الهاتف

ليأتي رد نور عليها بهلع إنتي بتقولي إيه وإزاي مكلمتنيش اول لما عرفتي أنه سخن جامد إنتي عارفة أنه السخونة إنذار بالخطر للولد أنا جايه حالاً خمس دقائق وأكون عندك تغلق الهاتف محدثة محمود

محمود إبنه تعبان جداً وحرارته 40 أنا لازم أمشي وبدون أي كلمة اخري .

تنطلق مسرعه من الكافتيريا لتستقل سيارة أجره لتصل سريعا الي منزلها.... لم يستطيع محمود اللحاق بها فكل شئ حدث في لحظو واحدة لم يأخذ حتي رقم هاتفها أو يعرف عنوان مسكنها وكأنها دقائق سرقت من الزمن لتجمعه مع

نور ولا أحد يعلم إذا كان سيرها مرة أخرى أم إنها كانت
فقط مدد من الحياة

يغادر محمود الكافتيريا وفي داخله قلق مرعب علي ابن
نور الذي كان من المفترض أن يكون ولده منها في يوم من
الأيام ولكنه كان إختياره من البداية وامام عينيه
قول جلال الدين الرومي

- وإن شئت الحقيقة فلقد تجاوزت مرحلة كل طلب
وكل رغبة ، وما أريده هو أن أترك الكون والمكان
عائداً إلى أصولي .

فهذا كان كل ما يريده في تلك اللحظة فقط ان يعود الي روحه
التي عانقها منذ دقائق ولكن هل من مجيب ؟؟؟؟؟؟؟

الفصل التاسع

صدفة القدر

محمود-2017

عاد محمود إلي شقته بعد لقاءه القصير مع نور وداخله ألف
تساؤل وألف عتاب وعراك داخلي لوم لنفسه علي ما حدث
لنور في زواجها من مارك لوم علي ما رآه من وحدة وغربة
حزن تكسو نظرات عيونها جالساً علي كرسي مكتبه مغمضاً
عيونه في محاولة منه لوقف شلال أفكاره الذي لا ينضب ولا
ينتهي

وكيف ينضب وعودته الحياة بروية نور

يفتح درج مكتبه ليمد يده داخل الدرج وكأنه يبحث عن شئ
وضعه في هذا المكان منذ زمن تقع يديه علي علبة من
القطيفه يخرجها من الدرج ويحتضنها في حنين
يفتحها ليخرج منها سبحة بلون الازرق الصافي يحتضنها
شارداً متذكراً ذلك اليوم الذي اعطته نور فيه تلك السبحة
ورغم مرور السنين عليها لازالت تحتفظ برائحة زيت العود
التي كانت تعشقه نور

يعود بعقله الي عام 2008

كانت جميلة كعادتها رقيقة كالندي ورغم السهر للمذاكرة
والاستعداد لامتحانات إلا أن شحوبها في تلك الفترة لم
يزيدها إلا جمالا جمال روحها الذي لا يعرف أي شحوب
بوجوده حبيبه.

كان كل يوم يسهران معاً علي الهاتف للمذاكرة حتي صلاة
الفجر ثم ينام كل منهما ساعات قليلة ويستيقظوا كل منهما
كان داعم للأخر وسند له كل منهم يسعى أن يصل الثاني إلي
أعلي تقدير .

وفي آخر يوم من أيام الامتحانات إتفقا علي الخروج سوياً
ليذهبوا الي مكانهم المفضل تلك البقعة التي تعشقها قلوبهم
في كورنيش الاسكندرية

لتخرج نور من حقيبتها علبة قطيفة بإبتسامتها الطفولية
محدثه اياه

عارفه ان انكل هيغيرك العربية أول لما تتخرج بتقدير وبما
إني واثقه إنك اشطر مهندس في الدنيا وهتجيب أحسن تقدير
قولت لازم اكون اول واحدة أجبك هدية العربية من قبل ما
تجي

يتحسس السبحة الخشبية المحملة برائحة العود والتي تكاد
تكون رائحه روحها تحمل المسك والعود من عشقها لهم
8 سنوات مرت ولم تتغير فيهم رائحتها كما لم تتغير نور
بضحكتها وجمالها حتي في وطأه ما تحمل من وجع داخلي
يفوق حجم جسدها

وضع السبحة في جيبه محدثا نفسه لن تفارقيني بعد اليوم
وكأنها جزء هارباً منه قرر الإنضمام له اخيراً .

ينظر في ساعته ليجد أن الساعة أوشكت علي أذان العصر
متذكراً مواعده مع شقيقته ساره علي الغذاء وفي عقله

زحمة من التساؤلات عن نور وإبناها وقلقه عليها فلقد فهم
من حديثها إنها تعيش وحيدة مع إبناها والمربية
يصل إلى منزل شقيقته ساره لتفتح له إبنتها نور باب المنزل
وتمد ذراعيها لكي تتعلق في أحضانه
خالوووو حبيبي

يحتضنها بحضن أب متشوق لرؤية ابنته حبيبة خالو
تنادي عليه بسعادة ... النهاردة عيد ميلادي يا خالو أوعي
تكون نسيت الهدية بتاعتي
رافعا حقيبته الهدايا بين يديه ... مقدرش انسي هدية نور
القمر كل سنة وانتى طيبة يا حبيتي اتفضلي يا ستي
العروسه الي كانت عجبكي .

تحضنته الطفلة بفرحة شديدة مع قدوم سارة
ساره محتضنة شقيقها ... إزيك يا حبيبي ربنا يخليك يا
محمود أنت عارف إنها مجنناتي من الصبح عاوزه خالو
محمود اتصلي بيه يجي بقي .

مربتا علي رأسها ... نور بنتك إتولدت علي إيديا وأنا إلي
أختارت إسمها دي بنتي يا سارة إلي قال الخال والد صدق
فعلاً .

سارة بابتسامه هادئة متنهدة ... أختارت إسمها علي اسم
نور خطيبتك زمان فاكر بعد سفرها إنت صممت اني اتجوز
من إكرم في أول اجازة ليك وكأنك يا حبيبي كنت خايف
ليتكسر اللي حصل معاك .. عارفة إنك لسه بتحبها حتي لو

مقولتش حتى لما إتجوزت من نادين الله يرحمها كنت فاهمة
إنك ...

محمود مقاطعاً سارة

أنا قابلتها امبارح والنهاردة..

ساره ناظره له بذهول وسعادة ... شوفت مين .. شوفت نور
؟؟؟؟؟؟؟؟

محمود بنبرة هادئة محاولاً التأكد داخلياً أنه لم يكن يحلم ...
شوفتها صدفة مرتين .. مره النهاردة الصبح ومرة امبارح
وأنا بجيب هديه نور بنتك .

ساره بنظرة متساءلة فضولية ولازلت نبرتها تحمل الروح
الطفولية طيب هي عاملة إيه أحكلي أحكلي والله حسنت من
دخلتك أنك فيك حاجة.

محمود متتهدا ... إتجوزت وخلفت ولد اسمه محمود وإطلقت
علشان طلع متجوزة واحد ابن كلب .

ساره بشهقة .. يا حبيتي يا نور شكلها إتبهذلت جامد أوي
هي رجعت مصر .

لا نازلة إجازة تقريبا

ساره مبتسمة ... طيب مش غريبة إن ابنها اسمه على
إسمك .. أكيد مش صدفة .

هي سمت ابنها على اسمك وإنت سمت بنتي على اسمها .

متهدا بعقل فيها الكثير من الأفكار المتصارعة أكيد مش
صدفة بس ملحقتش أعرف عنها أي حاجة سابتني وطلعت
تجري لما المربية بتاعت إبنا بلغتها أن إبنا سخن .
ساره باستغراب .. يعني إنت عاوز تقنعني إنك مخدمت رقم
موبيلها حتي.

محمود بنبرة يغلب عليها الألم :

لا ولا أعرف أي حاجة عنها كنا بنحكي ولسه هحكها عن
حياتي وفجأة مشيت ملحقتش أنا قلقان عليها اووي ...نور
حب عمري يا سارة.

إنتي لسه قايلها أنا محبتش غيرها ولا هعرف أحب غيرها
ساره بنبره حانية إلي جمعك بيها مرتين صدفة قادر يا
حبيبي يجمعكوا من تاني مين عارف اللي جاي بكرة ايه
وترفع يديها الي السماء داعيه الله

يا رب يا خالق الخلق يا جامع الناس في يوم لا ريب فيه
اجمع بين محمود ونور من تاني وطيب قلوبهم عن الوجد
(والألم) .

محتضنه اخيها متخفش يا حبيبي خير والله .

يقطع حديثهم دخول أكرم من عمله كطبيب طوارئ
حبيبي يا محمود إزيك يا ابو نسب وحشني والله.

إزيك يا أكرم ايه يا عم مش قولت إنك النهارده أجازة
أكرم ... أعمل اية بقي إنت عارف الطوارئ وسنينها زميلي
أعذر وأنا لبست مكانه .

ساره محتضنة زوجها إزيك يا حبيبي حمدلله علي سلامتك
نور جوة في الاوضة بتلعب إستني أناديهاك دي كانت
زعلانة وفاكرة إنك هتبات في الشغل قعدت تقول بابا مش
هيحضر عيد ميلادي

أكرم مصفقا بيديه ... تقريبا دا كان نداء القدراني أنزل
النهاردة مش هتصدقوا أنا شوفت مين !

ساره بتلهف : مين يا أكرم أحكلي

ليأتي رده ليعيد الأمل لمحمود مره أخري ... نور وإبنها
محمود صارخاً بتقول مين نور بجد .

اه مش قولتلك دا زي مايكون نداء القدر أول لما وصلت
المستشفى الصبح لاقتها داخله عليا منهاره بإبنها تصدق يا
محمود أن إبنها إسمه محمود برضه .

ساره بشهقة سعادة .. سبحان الله يا رب دي زي ما تكون
مرسومة.

محمود مقاطعا كلامها ... طيب طمني علي إبنها هو كويس
حرارته نزلت .

أكرم بإندهاش إنت عرفت منين أن إبنها سخن هو فعلا
سخن .

قابلتها صدفة إمبارح والنهاردة وفي وسط كلامنا جالها
مكالمة إن إبنها سخن جامد وطلعت تجري معرفتش حتي
أخد رقم موبيلها .

لتظهر علي وجه أكرم علامات الدهشة حاجه غريبة جدا ...
هي كمان اتفجئت لما شافتني كان بتعيط وخايفة.

مخضوضة علي إنها الولد جاله فيروس ضرب حرارته
فجاء ل 41

محمود وقد كست وجهه أمارات القلق ... طيب والولد عامل
إيه دلوقتي .

أكرم محالة طمننته ... أدناله خافض حرارة واتحجز في
المستشفى لحد بليل

محمود بنبرة تحمل خوف وشوق ... أنا نازل رايطها مش
هينفع أسيبها .

أكرم منبهباله أكيد جوزها او أهلها هيبقوا معاها .

نور وفي هو في طريقه للنزول نور إتطلقت من وهي حامل
في إنها وهنا في مصر لوحدنا هحكيناك بعدين .

وذهب محمود مسرعاً ليكون بجوار نور

في داخل المستشفى يدخل محمود مسرعاً الي إستقبال
المستشفى ليسأل عن رقم الغرفة التي أخبره بها أكرم
المحجوز بها الطفل ابن نور .

غرفة 408 من فضلك بإسم الطفل محمود مارك .

موظف الاستقبال: الدور الرابع يا أفندم علي ايدك اليمين .

يصعد محمود إلي غرفة الطفل يدق الباب ليسمع صوت نور
من الداخل برقته أدخل

يدلف محمود إلي الغرفة

نور بابتسامه ذهول ...محمود

محمود بنبرته الهادئة .. حمدلله علي سلامة إبنك يا نور
وبإبتسامة روح ردت الي الحياة رسمت علي شفيتها :الله
يسلمك شكراً إنك جيت أنا شوفت أكرم الصبح بس معرفتوش
بيا كان كل في عقلي إبنى .

مقتربا منها هامسا ... لينا نصيب نتقابل تاني يا نور .
ولازلت تلك الابتسامة علي شفيتها .. أه شوفت تالت مرة
في يومين .

زي ما يكون القدر خلاكي تختاري المستشفى دي علشان
أكرم الي يكشف علي إبنك .
مقاطعته حديثه ... دي جنب بيتي أنا ساكنة في العمارة للي
جنبها

محمود مستغربا .. مرجعتيش بيتك القديم ليه
البيت بقي فاضي بابا وماما مش بينزلوا مصر بقالهم سنين
من يوم ما أتقفل متفتحش تاني ومارك للأسف بينزل مصر
كثير ورايا وعارف مكان البيت القديم أخذت شقة صغيرة هنا
وبنزل فيها علي طول .

متهدا وطياته صوته تحمل الشوق والحنين وحشني بيتكوا
أوي يا نور وأنكل وطنط كمان وحشوني بس عارفه إيه أكثر
حاجه وحشتني ... إنتي يا نور .

نور بإبتسامة تحمل بين طياتها الكسوف الطفولي الذي لم
يفارقها ابداً
شكراً يا محمود

يتجه محمود بنظره إلي محمود الصغير ابن نور .
إبنك شبهك أوي يا نور زي ما يكون نسخة صغيرة منك .
تبتسم علي كلماته: كل للي بيشوفه مش بيصدق أن ابوه
إنجليزي كأنه أخذ جيناتي أنا بس
بإبتسائه شوق ترس بين عينيه؟؟؟أخذ طيبة وجمال قلبك أكيد
يقطع كلامهم دخول الممرضة إلي الغرفة للاطمئنان علي
الطفل وبعد قياسها حرارة الطفل
تتوجه بالحديث إلي محمود ابن حضرتك الحمد لله حالته
دلوقتي مستقرة ممكن يروح بليل بإذن الله .
محمود مرتبكاً وشارداً وفي نفس اللحظة يشعر بأن الدموع
تكاد تخرج من بين مقلتيه وشعر اللحظة أنه لم يحدث شيئاً
مما سبق وأنه قد تزوج نور فعلاً ومحمود ابنه منها .. كم
أتمني أن يكون إبنني فعلاً محدثاً نفسه .
تقطع نور حبل افكاره محاولة إصلاح الموقف محدثة
الممرضة شكراً لكي
دكتور أكرم كتب ليا كل الادوية الازمة هل في أي زياده فيها
الممرضة : لا.. الدكتور أكرم عاوز يشوفه كمان ثلاث ايام
ورقمه علي الروشنة تابعي معاه .
نور بإبتسامه شكراً ليكي
محمود مبتسماً : شوفتي يا نور الممرضة أفكرت محمود
إبنني يا ريته كان إبنني بجد يا نور .

نور بنبرة تحمل معاني الألم والشوق :ربنا يخلي ليك ولادك
ومراتك يا محمود .

في تلك اللحظة يتذكر محمود أنه لم يحكي لها أي شئ عنه
ولا عن حياته منذ فراقهم .

يستفيق من شروده ... أنا معنديش أولاد يا نور ربنا
مأرداش أنه يكونلي اطفال .

بايتسماتها المعهودة ... ربنا يرزقك إنت ومراتك .

تأتي كلماته لتهدي من تساؤلاتها الداخلية .. نادين مراتي
الله يرحمها يا نور إتجوزنا سنة واحدة وإتوفت لو عندك
وقت ممكن أحكيك .

نور بإبتسامة هادئه الله يرحمها يا رب ويغفرها ويصبرك ...
أه أنا عندي وقت انا هفضل مع محمود لحد بليل وبعدين
أخذه ونروح البيت .

مقتربا بكرسيه منها : خلاص يبقي أنا هفضل معاكي يا نور

مش عارفة أقولك إيه وقتك كدا هيروح معايا

محمود بنتهيدة تحمل بين طياتها أوجاع الفراق : يا ريت
وقتي كله يروح معاكي يا نور .

نور بإبتسامه كسوف : طيب إحكي عن حياتك .

محمود يبدأ ما سرد ما مضي دون نور

بعد ما إنتي سافرتي وأنا سافرت السعودية حطت كل همي
في الشغل يا نور بقت بعمل كل حاجة علشان أروح البيت

أنام من التعب علشان مفكرش فيكي وفضلت علي الحال دا سنتين منزلتش فيهم مصر غير مره واحده علشان أحضر فرح ساره وأكرم في الوقت دا ظهرت نادين الله يرحمها نادين كانت بنت شريكي في المكتب السعودي بنت زي القمر صافية وطيبة وحيدة ابوها والدتها اتوفت من فتره ومكنش ليه في الدنيا إلا هي قربت مني بس كنا كأصدقاء بس .

وفي يوم لاقت شريكي جاي يتكلم معايا أن خايف علي نادين نادين كان عندها مشاكل في القلب عيب خلقي في القلب خايف عليها وعاوز يطمئن عليها وأنه بيطلب مني إني أتجوزها علشان يكون مطمئن عليها لو حصله أي حاجة. في البداية رفضت الفكرة تماماً أنا كنت رافض فكره الجواز يا نور سواء نادين او غيرها .

مقاطعته حديثه في نبره استفهام .. وواقفت ليه بعد كذا وإتجوزتها

يتنهد محمود مسترجعاً الموقف

بعد مرور شهر ونص تقريبا علي كلام شريكي معايا في موضوع جوازي من بنته عمل حادثة كبيرة وفي أول زياره ليه طلب كرر طلبه تاني

في داخل غرفة العناية المركزة بإحدي المستشفيات الكبرى بالسعودية شريكه راقدا وسط مجموعة من الأسلاك والخراطيم التي تمده بالحياة المؤقتة وفي وسط رائحة الموت المنتشرة يتحدث له بصوت ضعيف :

محمود أرجوك يا إبني إتجوز نادين بنتي ملهاش غيري
مافيش أهل ولا حد باقي ليها وهي مريضة صدمة فقدانها ليا
مش هتكون سهله أبدا ...يا بني ريح قلبي مافيش وقت .
محمود ودموعه لا تفارقه :حضرتك تقوم بالسلامة وأنا
اعملك كل اللي إنت عاوزه .

ليرد عليه بصوت أقرب الي صوت الموت أنا مش هقوم
منها أنا حلمت بام نادين بتنادني كتير هي وحشتني اوي أنا
هروحها .

وهنا جاءت موافقته :أنا موافق أتجوز نادين .

وأصر شريكه ان يطلب المائون في المستشفى ليعقد القران
في تلك الليلة ولم يكن أمام محمود ألا أن يوافق علي مطلبه
في ساعته الاخيرة .

يخرج محمود من غرفة العناية المركزة ليجد نادين في
غرفة الإستقبال باكية بلا توقف علي والداها يمسك يديها في
حنان وكأنها اصبحت عهدته لا باسم الحب ولكن باسم
الواجب وكأنه يحاول مدواه وجعه وفراقه لنور بتقديم الراحة
لقلب اخر .

محمود بصوت مكتوم ... نادين ... والدك طلب مني أجيب
المأذون وهنكتب كتابنا دلوقتي .

نادين تنظر له في حالة ذهول ومن وسط دموعها تتحدث
بتقول إيه كتب كتاب مين .

محاولاً احاواء الموقف .. أنا طلبت إيدك من والدك قبل
الحادثة يا نادين ودي رغبته أننا نتجوز .

نادين ولازال الذهول يحاوط عقلها

تعالى معايا ندخل لبابا

ومن جديد فى داخل غرفة العناية المركزة

نادين محاوله مقاومة خوفها من فقدان أبيها بابا إنت ليه

طلبت من محمود يجيب المأذون ويكتب كتابى هنا

ليأتى رده من بين اجهزه الحياة بصوت ضعيف :إسمعى

الكلام يا نادين ويكمل حديثه موجهاً إياه إالى محمود

محمود روح هات المأذون بسرعة نادين جهزى نفسك

هتروحي مع محمود بيته الليلة ... الليلة هتبقى مراته .

وتسود حالة صمت وشلال دموع من نادين ومحمود فكل

منهما يعلم انه لم يتبقى فعلا سوى ساعات قليلة على رحيل

والداها .

بعد ساعة

كان المأذون جالسا بجوار سرير الشريك يعقد قران نادين

ومحمود فى وسط دموع وعيون الأب لا تفارق ابنته

وبعد إنتهاء كتب الكتاب طلب الأب من نادين أن تذهب إالى

بيت محمود .

نادين يا بنتى روى مع جوزك وبكرة الصبح تعالى

.....إفرحى يا بنتى بفرحك عارف إنك زى زى كل بنت كان

نفسك تلبسى فستان أبيض بس معلىش الظروف جت كدا .

تقبل نادين يد والدها فى وسط دموع لا تتوقف هلبسه لما

تقوم بالسلامة يا حبيبى .

لتلحق بجوار والدها ووالدتها بعد عام واحد من زواجها
بمحمود .

ويصبح محمود ارملا

.....
.....

يتهي محمود من سرد ما مضي .. بس يا نور هي دي
حكايتي من يوم ما سبتك لحد النهاردة بعد وفاة نادين الله
يرحمها رجعت حياتي كلها شغل وبس .

نور ... الله يرحمها وجعت قلبي يا محمود عليها
تخرج كلمات محمود دون إرادته منه وكأنها أخيرا وجدت
طريقاً للخروج لي الحياة : نور أنا مبطلتش ثانيه افكر فيكي

يفيق الطفل محمود الصغير من نومه لينادي والدته :
ماما نور

- وإن لم تكن حبيباً لى ، فلقد خربت كل أمورى ، أنت
مؤنسى ، وأنت سلواى ، وبدونك لا أنس ولا سلوى .
جلال الدين الرومي

الفصل العاشر

هل من فرصة ؟؟؟؟

ربما الاجساد تتفرق ويذهب كل منها إلي اتجاه ولكن الروح لا تعرف الفراق ولا المسافات لغة الروح لغة لا يجيدها إلا من عشق الروح .

محمود ونور لم يكن مجرد شخصان عشق كل منهما الآخر ما لم يدركا إلا بعد فوات الأوان أنهما روحاً عشقت الأخرى وإرتبطت بها ارتباطاً وثيقاً لا يفرقه حتى الموت حتي وإن لم يلتقيا مجدداً في هذه الحياة سيبقي لهما مكان دائماً في حياة أخرى أو في نصف حياة ... حياة الأحلام .

نور-مانشتر

قبل 5 سنوات بداخل أحد المستشفيات في مانشستر .

ترقد نور في حالة ولادة مستعجلة وفي مرحلة ما بين الاستيقاظ والنوم وكأنها انتقلت الي عالم آخر بفعل التخدير رأت طيف محمود حبيبها الذي لم يفارقها أبدا رآته يقترب منها يحتضن روحها يطيب قلبها في غمره الألم لم يكن ألم نور فقط ألم الولادة ولكن ألم الوحدة الخوف الشوق الحيرة ألم الفراق الذي لم يندمل جرحه أبدا .

شعرت بيديه ممسكة يديها ونظره عيونه الممتلئة بالحب لها

..

لتكون أول كلماتها الداخلية بعد بداية فوقتها من التخدير كم إشتاقت الي نظراته وضحكاته ولكن الكبرياء الظالم ما نهى

كل شئ لم يعد هناك مجال للتراجع في تلك اللحظة تدخل
المرضة حاملة المولود الصغير بين يديها لتعطيه لأمه نور
وفي لحظة تلاحمها الحسي لأول دقيقة مع ولديها خرج من
علي لسانها اسمه محمود لتتظر والدتها لها بذهول محدثة
اياه :

نور... هتسمي أبناك محمود

نور بابتسامه منتزعة من بحر الألم : أه هسمي محمود
إبني وسندي العمر كله .

ما رآته في نور في الطفل لم تجرؤ حتي علي البوح به حتي
لنفسها ما رآته نسخة مصغرة من محمود حبيبها الذي كان
ووسيطل إلي ما لا نهاية .

نور ومحمود -2017 (المستشفى)

يستيقظ الطفل الصغير محمود من نومه ينادي علي أمه
ماما .. نور

تجري نور مسرعة إلي سرير ابنها
حبيبي يا محمود أنت صحيت .

يبتسم محمود الكبير داخليا كم إشتاق الي سماع كلمة حبيبي
يا محمود من صوت نور تلك الكلمة التي كانت تبعث داخل
روحه الحياة ...

الطفل مداعبا وجهها بكيفه الصغيره... ماما أنا جعان اوي
ممكن تجبلي أكل .

محمود ممكن تفضل مع إبني شويه بعد إذتك هنزل أجبله
أكل من كافتيريا المستشفى .

محمود متجهاً الي باب الغرفة ... خليكي مرتاحة يا نور
أروح أجبله أنا خليكي مع ابنك .

تسبقة نور الي الباب ... لا أنا هروح أنا عارفة هو بيحب
إيه ... مش هتأخر دقائق بس خليك معاه .

إتكلم معاه عربي أنا حكتك الحاجة الوحيدة اللي إتمسكت
بيها إن ابني يتكلم عربي وعلمته .

محمود مبتسما فلأول مره يري نور الأم دائماً ما يراه في
صوره ابنته وحببته حتي بعد فراق سنوات مضت
ماشى يا نور خدي بالك علي نفسك .

تخرج نور من الغرفة... ويقوم محمود بسحب الكرسي
ليجلس بجوار سرير الطفل .

ازيك يا بطل حمدلله علي السلامة إنت عارف إن إسمي زي
إسمك اسمي زيك محمود .

ويتم داخلياً محدثاً نفسه في أسى وكان المفروض تكون
إبني أنا من نور

بس هي الكبرياء الظالم والغند خلوا كل واحد فينا يمشى في
طريق ملوش رجوع .

يفيق محمود من شروده علي سؤال الطفل

هوانت بتعرف ماما نور ؟ يعني ممكن تبقي صاحبي أنا
معنديش أصحاب هنا .

محتضناً له أنا موافق نبقي اصحاب يا استاذ محمود يا
صغير .

يضحك الطفل كذا احنا اسمنا زي بعض وبقينا أصحاب وماما
نور كمان صاحبتني .

محمود ولازال الصغير يسكن أحضانه .. طيب قولي بقي
بتحب تلعب بابه ؟

بحب العربيات والطيارات أوي هو أنا اناديك عليك أقولك إيه
يا أنكل زي ما ماما نور قالتلي أقول لأي حد أكبر مني .
قولي يا محمود من غير أنكل مش أحنا أصحاب حد يقول
لصاحبه يا أنكل .

وكان الزمن توقف عند تلك اللحظة فما شعر به الطفل
الصغير من صدق المشاعر

لمحمود شعر كأنها مشاعر أب لم يشعر بها منذ ميلاده فهو
لم يره ابوه منذ مولده الا بصوره سيئة شخص همجي سكير
يحاول إسترداد أسيرته لا يعرف عنه إلا اسمه فقط .

وشعر محمود بمشاعر أب لم يتذوقها في حياته حتي مع ابنة
شقيقته .

ظل محمود محتضاً الطفل لدقائق دون أن يتحرك أحد منهما
أو ينطق فالعناق هي أصدق لغة للتعبير عن المشاعر العناق
لا يكذب ما شعر به كل منهما كان حقيقة لدرجة لا تصفها
كلمات .

دخلت نور وفي يديها وجبة طعام للطفل لتجد ابنها ساكناً في
حضن محمود

إقتربت منهما بهدوء وربتت علي كتف محمود

محمود ...

لينتبه كل من محمود والطفل لنداءها وكأنهما كانا في عالم
آخر ملئ بالحنان معاً .

نور بإبتسامة .. روحتوا فين

محمود بعيون دامعة تحمل كل مشاعر الابوة المحروم منها
مش أنا إتفقت أنا ومحمود أننا نبقى أصحاب .

نور بإبتسامة : طيب الحمد لله .. يلا بقي يا دودو علشان
تأكل .

وتصمت للحظات ثم تعاود حديثها مهوا لازم انادي بأسم
الدلع و دي أول مرة يبقي في اتنين محمود مش واحد طول
عمرى بنادي علي واحد بس .. تعبتك معايا يا محمود .

-لا يا نور مافيش تعب ولا حاجة دا زي ..

يقطع حديثه جرس هاتفه المحمول ليجد أن المتصل سارة
أخته .

محمود حبيبي أنت فين الساعة 8 ونص أحنا بدأنا عيد
الميلاد ونور مموته نفسها من العياط عماله تقول فين خالو
محمود وانا قلقت عليك يا حبيبي .

محمود بنظره دهشة... بتقولي الساعة كام 8 ونص معقول
الوقت عدي بسرعة.

-وقت إيه يا حبيبي إنت نازل بقالك 5 ساعات هو إنت عند نور ؟؟؟؟؟؟

محمود من وسط إبتسامته .. أه يا ساره أنا لسه عند نور .
ضاحكة بإحساسها بنبرة صوت أخيها التي تحمل كل معاني
السعادة التي افتقدها منذ سنوات عده ... طيب مش تقول يا
عم .. طيب طمني عليها وعلني إبنها .

- الحمد لله كويس فاق ... أنا شويه وجاي يا ساره قولي
لنور خالو جاي علي طول .

ويغلق المكالمة

نور مبتسمة بخجل ... أنا عطلتك معلىش روح اكيد سارة
مستنياك وسلملي عليها .

محمود هامساً بكلمات تخرج من أعماق قلبه ... لا يا نور
النهارده إنتي أحلي حاجة حصلت ..

بإبتسامة خجل وحنين ترتسم علي شفيتها وكأنها غريق في
طريقه للعودة الي الحياة ... شكرا أنا مبسوطه إنني شوفتك
بعد كل العمر اللي عدي .

وبنبرة متتهدة تخرج من بين ثنانيا روحه ... هشوفك تاني
يا نور .

ولازلت علي وجهها نفس إبتسامة الحنين المنجرف الي
الماضي ... سبها للأيام هي هترسمها .

مقتربا منها مقاومة رغبته في احتضانها .. لا مش هسبها
للأيام أنا هرجع اخذك تاني ممكن رقم موبيلك أنا هروح

بسرعة عيد ميلاد نور الصغيرة وهرجع اخذك أروحك إنتي
وابنك .

-متتعش نفسك البيت جمننا هنا أنا هاخذ محمود واروح
الدكتور بس يجي يطمني عليه وهمشي .
معنا رفضه في أن يتركها تذهب وحيدة ... اديني بس ساعة
ووأرجعك

نور شاردة محدثة نفسها

يا تري ممكن ترجع تاني ... ممكن نرجع بالزمن لورا يوم
فراقنا .. ممكن فرصة جديدة؟؟؟ ولا زي ما كنا صغيرين
هنضيع كل حاجة .

يقطع محمود شرودها

نور ... روحتي فين

-معاك سرحت

مطمئنا نور بنبره صوته الهادئة أنا ساعة واحدة هرجعك
أروحك عاوز أطمن عليك يا نور .

-وبنبرتها العذبة وكأنه وعد جديد للقاء وفرصة تخرج
متخفية من احضان القدر بكلمة تحمل المعنى الذي انتظره ..
تمام هستناك .

- طيب ممكن رقم موبيلك بقي أكيد أنا مش هستني صدفة
تاني .

مغمضا عينيه للحظة وكأن عقله يعود الي هذة النقطة من
البداية منذ سنوات مضت يوم أن ألقى في عيونها مكنون

حبه ونسي بعد ذلك أن يأخذ رقم هاتفها وللغرابة اللحظة
فلقد تذكرت نور في نفس اللحظة تلك اللحظات الدافئة
الماضية لتقطع شرودهما

: طيب هات موبيلك اكتبك الرقم ولا هتعمل زي زمان
وتمشي من غير ما تأخده

بعينه الخضراء ببريقها ينظر اليها متفاجئاً انها قد طرق
علي عقلها نفس الذكرى في اللحظة ذاتها التي إقتحمت عقله
مررداً بصوت يكاد يكون مسموع :

إنت لسه فاكراه يا نور

ممسكة هاتفه الخلوي وتقوم بالإتصال علي رقمها محاولة
التهرب من سؤاله الذي يعلم كل منهما أنه سيفتح كل أبواب
الماضي دفعة واحدة .

كدا معاك رقمي

وبكلمات تخرج علي لسانها وكأنها نداء له بفرصة جديدة
من القدر .

هستناك ترجعلي يا محمود .

محمود بابتسامة : اكيد هرجع يا نور .

و للكلام باطن يتنكر في كلام يخرج من القلوب .

- وعندما رحلت قطرة الماء عن وطنها ثم عادت،
صادفت صدفة وصارت داخلها درة من الدرر .

جلال الدين الرومي

الفصل الحادي عشر

لما كنا صغيرين

منزل نور 2009

في داخل حديقة المنزل دار هذا النقاش بين نور و محمود
نور بنبرة غاضبة ... يعني إيه يا محمود رافض إني أشتغل
إحنا مكنش دا إتفاقنا

محاو لا تهدئة الموقف ... لا يا نور لما يكون مكان محترم
مش هقول حاجة .

ولازلت نبرتها غاضبة يعني أيه مكان محترم دي شركة
صاحب والدي

محمود ... نور إنتي لسه طالبة إنتي واخده بالك من دا

- طيب وإيه المشكلة في دا

وقد بدأ حدة صوته تزيد ... بصي يا نور أنا رافض مبدأ إنك
تنزلي الشغل وسط شباب أنا متربتش علي كدا .

نور ولازلت صوتها يحمل غليان الغضب ... دا علي أساس
إني نازلة إشتغل فين أنا بقولك شركة محترمة ملك صاحب

والدي وأنا مهندسة ديكور تحت التدريب وبعدين ما أنا كل
السنين اللي فاتت كنت بنزل أشتغل في الأجازة فين بقي
الأزمة .

محمود وقد أرتفع صوته غاضباً ... أنا الأزمة يا نور أنا
رافض فكرة نزولك الشغل السنين اللي فاتت أنا مكنتش فيها
مكنش ليا علاقة بيها لكن دلوقتي أنا برفض دا .

- طيب يا محمود أنا شخصيه مستقلة ومتعودة من وأنا
في إنجلترا إني بشتغل في الأجازة .

محمود وقد وصل لموقف معه الي درجة الغليان
يوووو يا نور كل شوية لما كنت في إنجلترا كل حاجة اكلمك
فيها تردي عليا لما كنت في إنجلترا إنتي عايشة في مصر
بقالك خمس سنين المفروض تكوني عرفتني كل حاجة هنا
والأهم من دا إحنا مع بعض بقلنا سنة دلوقتي المفروض
تكوني عرفتني طبعي وفهمتي كويس ما فيش شغل يا نور ودا
آخر كلام عندي .

ويصمت كل منهما وفي داخله حمم من بركان غاضب
تمر الدقائق وكأنها ساعات من شلال الغضب علي كل منهما

ليقطعها محمود بنفس نبرة الغضب

نور إيه ردك

- وبصوت مقتضب غاضب أنا مش مواقفة علي كلامك يا محمود .

يسود الصمت مره أخري علي الحوار ليكون سيد الموقف

يتحرك محمود من علي كرسيه

أنا ماشي يا نور

ودون ان تنطق نور يتحرك محمود ويذهب وفي داخله

بركان من الغضب

وفي داخل منزله جالسا علي الاركة ممسكاً هاتفه كان هذا

الحوار ما بينه وبين ساره شقيقته

مالك يا حبيبي مكشر ليه كدا إنت زعلان مع نور صح .

متهدا في نبرة تحمل مشاعر الغضب في أرجاءها : أه يا

ساره هطق مش قادر حاسس أنه عقلي هيشت من الغضب .

مربته علي كتفيه ... طيب أهدي بس

خرجت كلماته كبركان غاضب ... مش قادر نور بجد عنيده
جداً أنا مش عاوز أكمل .

- طيب يا حبيبي إنت دلوقتي في لحظة غضب وبعدين
أهدي كدا وأحكلي الحكاية.

ويبدأ محمود في سرد ما حدث

بصي يا سارة نور عاوزة تنزل تشتغل في شركة مقاولات
كمهندسة ديكور تحت التدريب والشركة مافهاش بنت عاوزة
تنزل وسط عمال كلهم رجالة وأنا مش مستحمل دا .

بنبرتها الهادئة الامومية .. ونور طبعا مصممة تنزل وإنت
رافض فزعلتوا مع بعض .

- بالضبط هي رافضة نقاش كل ما اكلمها تقولي أنا اتعودت
علي كدا طيب أنا مش متعود علي كدا أنا بجي علي نفسي
كثير جدا ومقدر أن نور مش مصرية ولحد اللحظة دي مش
عارفه تتأقلم علي العيشة هنا بس أنا برضه راجل ودمي
حامي مش مستحمل هي فاهمة أن دا تحكم مني بس دا
خوف أنا مش عاوز أتحكم في نور أنا خايف عليها وبحبها

ساره بابتسامة هادئة ... طيب جينا لمربط الفرس بتحبها
واللي بيحب حد بيهدي كدا علشان نربط الدنيا بعضها ونور
بتحبك ...

وفي نفس التوقيت في منزل نور

نور جالسة الي مكتبها تكتب في دفتر خواطرها الذي يمثل
بنسبه لها أكثر من صديق تحكي معه بما يجول بكل ما في
خاطرها من ألم ووجع عيونها لا تتوقف عن شلال الدموع
تسطر

كان نفسي تفهمني لو كنت بس حضنتي بروحك ليه كل مرة
نزعل فيها تهدد بالبعد مع إنك عارف إنك مش هتبعد بس
الكلمة بتقتل وبتوجع وبتخوفني .

أنا مش بعرف أقول الكلام دا ليك يا محمود أتعودت أكون
قوية حتي أدامك

بس علي الأقل بكتبه مع نفسي وأنا عارفة إنك عمرك ما
هتقري كلامي دا .

تغلق نور دفتر خواطرها وتتجه الي سريرها لترتمي في
أحضانها بين دموعها محاولة إدعاء النوم وكما هو حال
النوم لا يفارق الوجد في مكان ليكون الأرق نصيبا لها
ولمحمود في الجهة الأخرى .

وفي منتصف الليل يقطع الظلام والسكون وإنهمار دموعها
جرس هاتفها الخلوي لتجد أن المتصل محمود
بلهجة هادئة تحمل الحب يأتي صوته مساء الخير يا حبيتي
صحتك من النوم .

بنرتها العذبة حاملة عتاب مخفي .. مساء الخير يا محمود
لا أنا صاحبة منمتش لسه .

- كنتي بتعيطي صح

نور تحاول مقاومة إنهمار دموعها وتخفي صوتها .. لا
عادي .

مرتسما علي شفتيه إبتسامه حبا الصافي : طيب وحشتني
تظل صامتة للحظات ما بين شوقها له وعتابها الداخلي
يقطع شرودها مكلا حديثه :

أنا موافق علي فكرة علي الشغل مقدرتش أسيبك تنامي
زعلانة بس مش هتشتغلي في الشركة دي.

بنبره تحمل علامات الاستغراب .. مش فاهمة

يصوت دافئ محتضا روحها ... طيب قومي إغسلي وشك
الأول وإرجعي علشان أنا عارف إنك كنتي بتعيطي أنا يمكن
عصبي شوية وبتغابي بس مش بستحمل أشوفك زعلانة يا
نور .

تذهب نور لغسيل وجهها وتعود في أقل من دقيقة وقد تبدلت
نبرة صوتها من البكاء الي فرحة طفلة صغيرة .
تواصل الحديث .. معاك يا محمود .

وبكلمات تحمل الابتسامة بين أطرافها .. يا رب دائما معايا
يا نور لأخر لحظة في عمري .

وقد إرتسمت علي وجهه حبيته بسمة روح واسترد هو في
تكملة كلامه ... بصي يا نور إنتي عارفة أنا عندي مكتب
المفروض أجهزه السنة دي وأنا فعلا بدأت التجهيز فيه فأنا
بقي قررت يا حبيتي إنك تبقي شريكتي في المكتب بشغلك
زي ما هتكوني شريكة حياتي .

ولازلت تحمل نفس الابتسامة ... بجد بس كدا أنا هبقي علي
قلبك في الشغل والبيت .

- دا يوم المني يا نور... موافقة .

ضاحكة .. أفكر

- طيب براحتك أروح أشوف شريك تاني بقي .

وبصوتها العذبة الذي يحمل ضحكة روحها الصافية ... إنت
ما هتصدق ولا إيه .

وبنرة صادقة .. لا طبعا أنا بحبك يا نور ومش عاوز يفضل
بنا زعل .

وكأن صوتها يحتضنه ... أنا بحبك ومستحملتش لما هددتني
بالبعد .

يسترد حديثه ... حقك عليا يا نور أنا لما بتعصب بخرج عن
شعوري أو عدك إني اتحكم في نفسي بعد كدا... يلا بقي يا
حبيتي نامي بدري علشان من بكرة هتنزل نوضب المكتب
مع بعض وبما إنك مهندسة ديكور شطورة تحت التدريب
فديكورات المكتب دا علي ذوقك .

- إتفقتا يا مستر محمود .

محمود ... حلوة مستر دي طالعة من بوقك زي العسل .

نور.. مش إنت المدير بتاعي يبقى مستر محمود .

طيب يلا يا أستاذة نور علشان الساعة 10 الصبح أنا عازم

نفسي علي الفطار معاكي وبعدين نبدأ شغل .

وفي الصباح كان محمود يقف أمام فيلا نور

تستيقظ نور علي صوت الهاتف لتجده المتصل

-صباح القمر .

بصوت نائم ملائكي ... صباح الفل يا حبيبي .

- قومي يلا يا جميلة من سريرك وإفتحي الشباك .

نور بصوت متكاسل ,,،،، ليه في إيه الساعة كام .

-الساعة 9 الصبح أنا مش قولتلك عازم نفسي علي الفطار

عندك .

نور...طيب هو إنت تحت .

- إفتحي الشباك وإنتي تعرفي يلا قومي وإنتي معايا.

تقوم نور من سريرها لتفتح نافذة الغرفة

لتجد محمود قد قام بتزيين سيارته بالعشرات من البالونات
وفي كل بالونة منهم

محفور كلمه بحبك يا نور .

تفرك نور عيونها في سعادة وكأنها ما بين حلم وحقية
تحاول التأكد إنها قد استيقظت فعلا .

في أقل من عشر دقائق كانت نور تجلس بجوار محمود في
سيارته مرتدية فستان منقوش عليه ورود مفرحة مثل فرحة
قلبها في تلك اللحظة .

كان هذا اليوم لا ينسى لكل منهما لحظات من السعادة تمنى
كل منهم أن تدوم الي الأبد .

ذهبا لتناول الإفطار معاً ومحمود لا يترك يد نور من يديه
وكانه طفل صغير مرتبط بحضن أمه يلوم نفسه في كل لحظة
علي تفكيره في فراقه لنور .

بعد الإفطار ذهبا الي شقه المكتب لتراها نور لأول مرة
في داخل شقة المكتب ولا تزال خالية من أي تجهيزات حيث
أنه لم يمضي علي تخرج محمود من كليته أكثر من
إسبوعين .

نور ... محمود المكان حلو إزاي لحد دلوقتي مبدأتش
توضب فيه .

محمود ممسكا يديها ... كان قلبي حاسس إنك هتشاركيني
بذوقك في توضيبه .

بضحكة تحمل مداعبه طفلة .. إضحك عليا إضحك .

ناظرا الي عيونها الرزقاء ... ومن عمق روحه العاشقة
ترتسم كلمة بحبك بنرات صوته .

بوصتها الدافئ تحتضن يديه بتشبث ... وأنا مقدرش
علي زعلك يا محمود أنا عارفة إنك امبارح لما قولت
أنا مش قادر أكمل كدا مكنتش بتقصد كدا فعلا .

بنبرة معاتبة ... حقك عليا بس يا نور أنا حاسس إنك لحد
النهاردة مش قادره تتأقلمي حتي عليا ولا نظام حياتي
- واحدة واحدة عليا إعتبرني بنتك وبتعلمها الحياه على
إيدك أنا أستحق منك كدا .

محمود ... حاضر يا حبيتي وأنا معاكي العمر كله ...ها بقي
قوللي هنختار إيه ألوان المكتب أنا لسه لحد دلوقتي مافيش
حاجة في دماغي .

وبدون تفكير ... أبيض وأسود .

بنزره تحمل الدهشة وبعيون باسمه أشمعي اللونين دول
طيب ما تخليها رمادي .

متهدده بصوت فرح علشان دي أنا يا محمود يا أبيض يا
أسود معرفش أكون رمادي .

محمود يرمقها بنظره حب وضحكة تخرج من أعماق قلبه...
بتحطي شخصيك جوه الديكور .

- بالضبط أنا معرفش أكون علي الحبل يأما أبيض يا
أسود مفيش تالت .

مبتسم علي فلسفتها في كل موقف ... حلوة الفلسفة بتاعتك
دي وأنا همشي كلامك كل الدهان هيبقي أبيض والفرش
أسود ومش بس كدا أنا كمان إتفقت مع العمال هيشغلوا
من بكرة في دهان المكتب إنتي شايفة هو كل اللي محتاجه
دهان اللون الأخير ويلا يا مهندسة نور علشان نروح
نشترى الفرش للمكتب يعني إسبوعين بالضبط والمكتب دا
يكون جاهز .

وأول مشروع المكتب بتاعنا هيمسكوا هو شقتنا إيه رأيك
بقي .

نور بضحكة مرتسمة علي عيونها ومرسومة علي ملامح
روحها ... وبصفتي شريكك في مشروع شقتنا فأنا برضه
هختار أبيض وأسود ألوان ليها .

ضاحكا ...فارضة روحك في كل الديكور

بضحكتها العذبة التي لا تفارقها .. إيه مش عجبك ؟

محمود متتهدا ليخرج الكلام من داخل أعماق قلبه ليلمس
قلبها .. أنا بعشق روحك .. روحك هي الدوا لكل الألم يا
نور .

وإن الأرواح كالسيل المتدفق حتى ساحل بحر
الروح، انقطعت عن كل ما تعرف، صارت
مؤتسسة بالبحر .

شمس الدين التبريزي

الفصل الثاني عشر نفس المكان من تانى

نوفمبر 2017 (محمود ونور)

بعد إنتهاء عيد ميلاد نور الصغيرة ذهب محمود مسرعاً لكي

يأخذ نور وابنها من المستشفى

تحت منزل نور في سيارة محمود

نور : شكراً يا محمود تعبتك .

محمود: أنا اللي شكراً يا نور .

نور: بتشكرني علي إيه إنت اللي تعبان معايا من أول اليوم

وجيت وعطلت نفسك و..

يقاطعها محمود بنرة هادئة : نور أنا أسف

نور: أسف ... أسف علي إيه.

محمود : علي الوجد الي فات يا نور .

نور محاولة تغيير الحديث : أنا هطلع علشان محمود إبني

ميتعبش الجو هوا وهو لسه برضه خارج من المستشفى .

محمود: تمام خدي بالك من نفسك .

ينزل محمود من سيارته لكي يفتح باب السيارة لنور
محمود :ممكن أتصل بيكي لما أروح أظمن عليكى وعلي
محمود الصغير .
نور بإبتسامة : أه أكيد .

تصعد نور إلي منزلها تضع طفلها الصغير في غرفته حتي
يذهب في النوم
تدخل إلي غرفتها تستبدل ملابسها بملابس النوم تقف أمام
المراه متأملة ملامح وجهها

ناظرة إلي ملامح وجهها المكتسي بإبتسامة منذ سنوات
مضت لم تعرف فيها منذ زمن إبتسامة الروح في نور
عيونها التي أشرقت للمرة الأولى منذ ثماني سنوات
..تتحس بشرتها تشعر بلمس كل ذرة فيها وكأن الحياه دبت
فيها مرة اخري بعد جفاف سنوات ... محدثة نفسها
إزاي شكلي أختلف عن الصبح حاسة إن وشي زي ما أكون
صغرت 10 سنين في يوم واحد .. معقول يوم واحد مع

محمود بكل اللي فيهيقاطع تفكيرها صوت هاتفها لتجد
أن المتصل محمود .

محمود بنبرة صوته الهادئه التي إفتقدت سماعها منذ
سنوات مضت في الهاتف : مساء الخير يا نور لسة صاحبة
نور مرتسمة علي وجهها إبتسامة حنين : أه لسه صاحبة
إبني لسه نايم .

محمود : طفل جميل يا نور شبهك في كل حاجة عارفة
الوقت إلي سببتي فيه معاه حسيت إني قاعد مع نسخة
مصغرة منك في كل حاجة في ضحكك وطريقتك حتي
تعبيراتك حبه اوي زي ما أكون أعرفه من يوم ما نور
الدنيا زيك .

نور : شكراً يا محمود هو كمان إتبسبط اوي معاك عارف
فضل يتكلم عنك طول الوقت لحد ما راح في النوم شكله حبك
اوي .

محمود : وانت يا نور

نور بتهيدة :أنا

محمود: إنتي لسة بتحبني .

نور: في حاجات بتتولد جوانا يا محمود مش بتموت غير
بموتنا .. تصمت لثواني محاولة تغيير مجري الحديث
إحكلي بقي عن شغلك بتشتغل فين دلوقتي بعد ما رجعت
وإستقرت نهائي في إسكندرية .

محمود بتهيده لإداركه أن نور تتهرب من البوح عن
مشاعرها في تلك اللحظة :

فتحت المكتب يا نور من تاني ... مكتب نور للديكورات
نور بإبتسامة : هو إنت لسه محتفظ بالإسم لحد دلوقتي
محمود : لسه محتفظ بكل حاجة فيه إتحتت بايديكي يا نور
مش بإسمه بس .

إيه رايك تنورني بكرة في المكتب
نور ولازالت نفس الابتسامة علي وجهها : أنا موافقه بتكون
موجود امتي .

محمود: أنا بروح كل يوم من 10 الصبح ل 10 بليل تقريبا
مقيم في المكتب قولتلك إنني دافن حياتي كلها في الشغل .
نور: خلاص هعدي عليك بكرة إن شاء الله .

محمود : شوفي تحبي تجي إمتي وأنا أعدي عليك .

نور: لا متعبش نفسك أنا عارفة العنوان حافظة لحد
النهاردة .

محمود : ولسه لحد النهاردة بتتلخبطي في الشوارع .

نور : إنت لسه فاكر .

محمود : عمري ما نسيت .. عمري ما نسيت دقيقة معاكي يا
نور .

نور بابتسامة كسوف : طيب يلا نام علشان بكرة عندك شغل
والوقت متأخر وأنا كمان تعبتك معايا أوي .

محمود: تعبتني إيه يا نور ... أنا كأني رجعت للحياة من
تاني بلقاكي النهاردة.

نور بايتسامه خجل : تصبح علي خير هكلمك قبل ما أجي
بكرة .

محمود : هستناكي بس من فضلك خلني أنا اللي أجي أخدمك
علشان أضمن انك مش هتوهي زي زمان .

نور بضحكة وقد رأت كلماته بعين قلبها فكلماته لم تكن تقصد
التوهان في الوصول الي طريق مكتبها لوحدها ولكنها كانت

تحمل معني آخر خارجاً من عمق روحه أن لا تتوه في
طريقها دونه كما كان حالها في العمر الذي مضى .

ليأتي ردها داخليا في عقلها ... وأنا مش عاوزة أتوه تاني
يا محمود .

محمود وتمني إنها قد تكون فهمت المغزي من كلماته
بابتسامه تتبع من روحه المتعطشة لحبها :... تصبحي علي
خير .

نور وقد اشرفت ملامحها بأبتسامه طفولية : وإنت من
اهله .

كانت تلك الليلة ليست كأي ليلة مضت فلقد نام كل منهما
نوماً عميقاً بمجرد إغلاق الهاتف وكان روح كل منهما قد
تذوقت عسل الراحة المطيب للروح بعد سنوات من فزع
الفراق .

وفي الصباح كان محمود مستيقظاً بحالة نشاط لم يعرفها
جسده منذ زمن وفي أثناء تحضير إفطاره إلتفت لجرس
هاتفه ليجد أن المتصل نور .

نور : صباح الفل .

محمود: صباح النور يا نور إيه الي مصحكي بدري .

نور: أصلي فكرت وحست إني ممكن أتوه في ايه رأيك تجي
تاخذني وأنت رايح المكتب ... أنا مش عاوزة أتوه تاني يا
محمود .

محمود شاردا في كلمه نور وقد تأكد أنها فهمت المغزي من
كلامه ليلة أمس : أنا مش عاوزة أتوه تاني مرديداً داخل
نفسه

ولا أنا بقت مستحمل تتوهي مني تاني والله .

يقطع شروده نور ... محمود إنت معايا .

محمود بكل ما يحمله من شوق مدفون منذ سنوات: ولا أنا
هسيبك تتوهي يا نور تاني .

نور مبتسمة لإدراكها ما يحمله كلام محمود من معني مخفي
نور : طيب هتعدني عليا إمتي .

محمود : يناسبك كمان ساعة تكوني لحقتي جهزتي لسه زي
ما أنتي يا نور بتاخدي وقت طويل علشان تجهزي.

نور بضحكة : إنت لسه فاكّر ... الحقيقة أه .

محمود: خلاص ساعة ولا أكثر .

نور : ساعة تمام جدا .. مستنياك .

بعد ساعة

نور تجلس بجوار محمود في سيارته مرتدية ثوباً أبيض
يحمل نقوش ملونة كأنه يوصف ما بداخل قلبها في تلك
اللحظة بشعر أسود ليلي منسدل علي كتفيها للوهلة الأولى
التي يراها القلب يشعر كأنها فتاة في العشرين من عمرها.

نور: طول عمرك مواعيدك مضبوطة يا محمود بالدقيقة

محمود : المرة اللي إتاخرت فيها خسرتك يا نور .

نور : إحنا الإثنين خسرنا يا محمود .

محمود: نور ... إمبراح أنا حسّت روعي إتردت ليا بروجوعك

نور : لسه بتقول كلام حلو زي زمان وبتقري أشعار جلال الدين الرومي وشمس التبريري.

محمود: كل كلمة إكتبت في يوم منهم كإنها كانت موصفة ليكي .

نور: أنا قولتلك امبارح إني انا كمان بقت بحبهم أوي وبقت بكتب وبقري بالعربي كمان .

محمود بضحكة : يعني لما أكلمك دلوقتي كتابة أكتب عربي مش فرانكو .

نور بعيون باسمة : إنت لسه فاكر .

محمود ضاحكاً: إنتي كنت بتجنني وأنا مكنتش بحب الفرانكو وإنتي مش بتحبي العربي.

نور : لا يا سيدي دلوقتي إتكلم عربي براحتك .

وبعد مرور 20 دقيقة لم ينقطعا فيها عن الحديث والضحكات وكأنه لم يمض علي فراقهم سوي لحظات وليست سنوات بكل ما حملته من أوجاع وصلا الي مقر مكتب محمود .

في داخل مقر المكتب

نور تلتفت بعيونها في أنحاء المكتب وكأنها تستنشق كل
ركن فيه بإشتياق .

نور : وحشني المكتب أوي يا محمود .

محمود: وإنت وحشتني أكثر يا نور .

تنظر نور بكسوف إليه ولا ترد للحظات تظل تتجول في
إنحاء المكتب تسترجع ذكرياتها معه في كل ركن فيه محدثة
نفسها

في نفس المكان دا عشت أجمل لحظاتي معاك وودا برضه
نفس المكان اللي يوم ما وقع إنت سبتني ومشيت
لو كنت تفهم وقتها أن المكان دا كان حنة من روعي معاك
لو مكنتش مشيت زمان كان زمانه بقي جنة وكنا احنا كمان
إترحمنا من وجع الروح سنين .

وفي عصف الذكريات الجميلة والمؤلمة وصراعها تخرج
دموع من عيونها لتعبر عن أوجاع فراق وألم في الروح
حبست في سجن تحت الأرض لسنوات .

محمود ناظراً إليها بنظرة تجمع قلق الكون في عينه : نور
إنتي بتعيطي .

نور من وسط دموعها :أنا أسفه إفتكرت أيامنا زمان هنا كل
ركن هنا كان ليه ذكرى معاك فيه .

محمود : حقك عليا يا نور أنا اللي أسف أنا اللي محافظتش
علي الذكرى دي .

نور من بين دموعها : اللي حصل حصل خلاص .
أنا عاوزه أمشي .

محمود : لا ... مش هسيبك تمشي يا نور تاني

نور : أنا عاوزه امشي من هنا بس .

محمود: لا لا من هنا ولا هسيبك تمشي تاني في أي مكان .

نور بضحكة من وسط دموعها

إزاي بقي مش هتخلني أمشي

يظل محمود صامتاً لثواني وكأنه يستجمع شجاعته للعودة

للحياة بعد سنوات من الموت

كدا يا نور

ليقوم بتخبئتها بين أحضانه محدثاً إياها

مش هسمح إنك تمشي يا نور تاني .

وما بين أحضانه لا تقاوم نور وتسمح لشلال الدموع
المدفون منذ سنوات ولكبرنايها الذي ظل يقاتلها العمر الذي
مضي ترتمي وتصرخ

أأأأأه أأأأه من وجع الروح الي مش بينتهي أأأأأأه من
وجع القلب الي بيقوي في كل يوم مبيخلصش .

محمود محتضاً حبيبته بقوة وكأنه خائف أن تخرج من
روحه مرة أخرى : حقك عليا أنا ... نور تتجوزني

وقبل ان ترد نور تنبه الي صوت رسالة وصلت للتو علي
هاتفها وفي داخلها شيئاً يدفعها الي رؤيتها في تلك اللحظة
تفتح نور الرسالة وقلبها يرتعش خوفاً دون أن تفهم السبب
لتجد صورته لها بجوار محمود بالأمس في سيارته ألتقطت
دون أن تعرف ويرافقها عبارته بالإنجليزية

بقي فاكرة أن حد هيخدك مني تبقي غلطانة محدش ياخذ
حاجة من مارك يا نور هخلصك عليه وأمنعه يقربك تاني .

لترتعد نور من الرسالة وفي نفس الوقت لسانها ملجم لا
تعرف كيف تخبر محمود خوفاً من رده فعله تأكدت في تلك
اللحظة ان مارك يراقبها وقريب جداً منها .

متذكرة سؤال محمود وهو ينظر إليها بذهول

نور في إيه مالك الرسالة دي فيها إيه

نور متجاهلة سؤاله محاولة الهروب بأي شكل

نور: من سط بكاءها لا ... أنا برفض أتجوزك

نور : ماسحة لدموعها ...

وفي محاولة منها لتجميع رفات كلماتها

..... مش هعرف أسامحك علي كل الوجد ... أنا همشي مجي

كان غلط أنا معرفش أنا الي قولته دلوقتي إزاي طلعت كل

اللي جوايا كدا .

لتأخذ حقيبتها وسط دموعها وتنصرف ومحمود ناظراً لها

في حالة ذهول

إن كنت لا تريدني فأنا أريدك بالروح، وإن لم

تفتح لي الباب ؛ فأنا مقيم على عتبة.

جلال الدين الرومي

الفصل الثالث عشر

الكبرياء القاتلة

نوفمبر 2017 – نور

نور في الطريق في داخل سيارة أجرة تهطل الأمطار من كل مكان وكأن السماء تبكي مع ألم قلوبهم ودموعها لا تتوقف عن الانفجار من بركان عيونها تتسأل في داخلها هل جرحها لازال ينزف لدرجة أنها تفضل الموت نزفاً علي الرجوع الي الحياة من شدة الألم أم أن خوفها من مارك ما دفعها لرفض طلب محمود .

ام انها اردات فعلا رد كبريائها

وفي الجهة الاخري وبداخل مكتب محمود ظل محمود شارداً وفي حالة ذهول لم يفهم سبب تصرف نور في داخله بركان من الغضب والخوف يتصارعان خوفاً وغضباً من فقدها مرة أخرى .

محدثاً نفساً صارخاً في حالة ذهول وكأنه يبلغ رسالة لنور ليست هذه المرة يا نور لن أتركك ترحلي لن أودع روعي للموت بدونك ففي يوم واحد عادت ليا الحياة وإن حتى حاربت العالم كله من أجل حضنك وقدمت عمري علي طبق من عذوبة الروح سأقدمه بمنتهى السعادة لانه لكي

يمسك هاتفه بعد مرور ساعة من الوقت محاولاً الاتصال بنور ولكن لا أجابة .

يحاول مرة وإثان والكثير لا ترد

ينزل من مكتبه مسرعاً ليذهب إليها في منزلها وكأنه في معركة مع الحياة.

بعد نص ساعة أمام منزل نور يدق الباب كثيراً لا اجابة ليجد حارس العقار أمامه .

حارس العقار : في حاجه يا أستاذ حضرتك بتخبط علي الباب كثير ليه .

محمود : عاوز مدام نور اللي ساكنة في الشقه دي ومش بترد علي تليفونها .

حارس العقار : مدام نور نزلت من ساعة تقريباً يا أستاذ وفي ايديها شنطه سفر وإبنها والمربية وكانت بتجري طلبت مني أطلب تاكسي بسرعة للمطار .

ومع سماع محمود كلمه المطار وكان جبلاً من جليد إنهدم علي رأسه ودمر ما تبقي فيه من حياة الروح ظل لدقائق مردداً المطار المطار عملتها يا نور ردتى للى عملته لكى زمان إزاي إزاي

دا انا ملحقتش افرح بنورك من تاني

لينزل مستقلاً سيارته في حالة صدمة .

قبل ساعه ونص الساعه الحاديه عشر صباحا

بينما نور تبكي بإنهيار علي رفضها الزواج من محمود إنتبهت لاتصال من والدتها فريدة

نور : الو أيوة يا ماما

فريده بصوت باكي : إنت فين يا نور أنا بتصل بيكي من الصبح .

نور تحاول تداري دموعها في صوتها : موبيلي كان في الشنطة مخدمش بالي .

فريده : بابا بيموت يا نور من الفجر في العناية المركزة قلبه وقف فجأه أرجوكي تعالي أنا حجزت لكي من عندي 3 تذاكر انتي وابنك والمربية الساعة 12 الظهر بسرعه يا نور أرجوكي بابا حالته صعبة أوي .

نور بإنهيار: حاضر حاضر هطلع أجيب ابني والمربية وأطلع علي المطار علي طول .

تصل نور الي منزلها بعد دقائق من إنتهاء مكالمة والدتها تجمع بعض أشياءها سريعاً

تقوم بطبع التذاكر للسفر من علي موقع شركة الطيران تأخذ ابنها والمربية والحقائب التي أعدتها وترحل في أقل من نصف ساعة وفي غمرة إنفعالها وشد أعصابها من كل الألم والخوف المجتمع بداخلها

تنسي هاتفها في داخل الشقة ولا تكتشف ذلك إلا بعد صعود الطائرة .

بعد مرور ساعتين علي تلك اللحظة

محمود يقود سيارته في حالة من الذهول والتوهان ليفيق وأمامه سيارة نقل كبيرة ويصطدم بيها وهذا آخر ما يتذكره

.....

بعد مرور 6 ساعات

تصل نور إلي إنجلترا لتستقل سيارة لكي تلحق إبيها ولكن عند وصولها كان أمر الله قد نفذ ورحل عن الحياة .

وفي داخل أورقة المستشفى تجلس نور إلي الارض محتضنة نفسها وتبكي في تلك اللحظة لم تكن تتمني سناً إلا محمود .

تغمض عيونها لتقتنع نفسها أن كل ما حدث منذ هذا الصباح كان كابوساً مؤلماً وليس حقيقة .

تقتنع نفسها أنها لم تفقد محمود مرة أخرى بسبب كبريائها الأعمى وخوفها من مواجهة مارك تقتنع نفسها أن أبيها لم يرحل عن الحياة فجأة دون وداع فلقد كان صديقها الأقرب قبل أن يكون أبيها .

في صباح اليوم التالي كانت نور تستقل طائرة عائدة الي مصر مع والدتها ووالدها وجثمان والدها الذي رحل عن مصر منذ سنوات كثيرة ولم يعد الا جثمان بلا روح .
وبعد إجراءات الدفن وتوديع الأب المتوفي جلست نور بجوار قبر أبيها تحدثه

مش عارفه أقولك إيه علي الوجد اللي جوايا وجع فراقك طيب كدا تمشي من غير ما تودعني طيب احكي لمين دلوقتي انا علي وجعي وعلي قلبي الي كسرتة بايدي .

فاكر لما كنت بتلاقني شاردة وأبص للبحر كنت بتقولي لسه بتفكري فيه لسه بتحبي فاكر كنت بقولك أه حتي لو بحبه عمري ما هبوح بيها تاني .

بس اللي حصل إني قابلته وبوحت وإتكلت بوجع السنين
اللي عدي كله طلب مني الجواز يا بابا طلبه امبارح ورفضته
مشيت وسبته .

كنت عاوزة تسمعها مني كان نفسك نرجع كنت عاوز تظمن
عليا

فاكر زمان لما محمود خطبني إنت قولتلي ايه
إنتوا فيكوا حاجات كثير مختلفة عن بعض بس الولد دا راجل
أنا مظمن عليكي معاه .

لما سبني فجأه يومها إنت كنت زعلان علشان كنت شايفه
راجل بجد ولما كنت تجي تحكي عنه كنت تقولي أنا متأكد إنه
سابق في لحظة غضب أنا نظرتي فيه متخيبش.

فاكر لما إتجوزت مارك قولتلي ايه .. قولتلي أنا مش مأمنه
عليكي يا نور دا إنسان مش مريح فين أراضيك دلوقتي يا
محمود ..يومها قولتلك حتي لو رجع مش هتجوزه .

أهو رجع يا بابا رجع ورفضته طيب قلبك حس بوجع قلبي
ووقف يا بابا أخرج من مكانك وكلمني لتتهدأ من البكاء أمام
القبر وتقوم فريده والدتها باحتضانها ليتلاحم بكاءهم معا
فقدان الاب والسند والحبيب والزوج .

تعود نور إلي منزلها لتستلقي في سريها وتنام بملابسها
حتي صباح اليوم التالي فعيونها لم تذق اليوم منذ أول أمس
يوم أن استيقظت لتزور محمود في مكتبه .

تستيقظ نور علي ضوء الشمس مقتحماً غرفتها وكأنه نداء
جديداً للحياة .

تقوم نور من سريرها تغسل وجهها وتتنظر في المرآة محدثة
نفسها

كأني كبرت عمر تاني علي عمري أول امبارح كنت حاسة
إني رجعت بنت في الجامعة النهاردة حاسة إني ست عجوزة
ما بين عيون تائهة ومنتفخة وبين قلب يرسم ما بداخله من
وجع الروح علي وجهها وإيدي مرتعشة علي موقف أكبر
من حجم قلبها بمراحل

تنتبه لهاتفها أنه قد إنتهي شحنه تقوم بوضعه علي الشاحن
وفتحه لتجد مئات من الاتصال من رقم محمود في الیومین
الذان مضت و عدت اتصالات من مارك ورسائل بالتهديد
وبینما الهاتف في يديها تجد اتصالا جدید منه في تلك المرة
تحدث نفسها مش هقول لا أنا اسفة هعتذره وأفهمه كل
حاجة وتهديدات مارك ليا هنعدي كل حاجة مع بعض أنا
واثقة

تقوم بالرد علي الهاتف لتجد صوت سارة شقيقته
نور انتي فين محمود بيموت يا نور إحقتي اخويا بيموت
مش بيقول حاجة إلا اسمك .
بصدمة وشهقة ألم... سارة إنتي بتقولي إيه محمود ماله
إنتي بتهزري معايا صح أنا عارفه محمود قالك قولي لنور
كدا علشان متمشيش عاوز يعرف إني لسه بحبه والله بحبه
يا ساره وعمري ما حبت حد غيره

ساره بصوت لا ينقطع عنه البكاء : لا يا نور مش بهزر
محمود عمل حادثة أول إمبارح الصبح ودخل في غيبوبة

بقاله يومين نور أرجوكي تعالي أحنأ في المستشفى عند
أكرم جوزي .

وبنبرة خوف والم كخوف من يوم الإعدام .. دقائق هكون
عندك محمود لازم يعيش مينفمش يمشي ويسبني مينفمش
- إنا هلكنا بعدكم ، ياويلنا من بعدكم ، مقت الحياة
فقدكم ، جودوا علينا بالرضا .

شمس الدين التبريزي

الفصل الرابع عشر

ماذا لو

نوفمبر 2017

في داخل غرفة الرعاية المركزة بمستشفى بالإسكندرية
نفس المكان الذي جمع نور ومحمود منذ أيام ليقتضيا اليوم
معا عند مرض طفلها.

يرقد محمود محاطا بخراطيم من كل اتجاه تمده بالحياة بجسد
فاقد الروح وجروح تغطي جسمه في غيبوبة تامة وإنفصال
عن العالم المحيط ولكن ما لا نعرفه ان عالم الغيبوبة حياة
أخرى.

في الخارج تقف سارة شقيقته واکرم ووالدته سحر جميعهم
في حاله بكاء وإنهيار فكما بلغهم الطبيب أن جسده يرفض
الإستجابة إلي محاولات إفاقتة وكأنه في معركة مع رفضه
العودة إلي الحياة .

في حياة الغيبوبة يري محمود العمر الذي مضي كاملا ولكنه
ليس كما كان

يري نور في أيام دراستهم يري أنه قد أختارها
يري أنه لم يخسرها منذ البداية تتشكل في عقله حياه أخرى
تمني أن تكون

يري نور بابتسامتها التي عشقها منذ النظرة الأولى تقف في
الشرفة تنظر عودته من العمل لتندفع بين أحضانها هي وابنه
منها محمود الصغير لذي طالما حلم بأن يكون له طفل من

نور يحمل ملامحها يحمل روحها التي اتحدت مع روحه من
قبل الميلاد .

يعود بعقله وروحه إلي فبراير 2009 ليعاد يوم الوداع أمام
عينيه

دقات المطر في كل مكان تعلن عن رفضها للفراق تنزل
بكثرة وكأنها السماء تبكي خوف من لعنة فراق نور

في لحظة ما كان البحر يتعارك مع الأمطار في مشهد مهيب
كأنه يرفض لحظة الفراق كانت نور تقف في وسط انهمار
المطر لتتحد مع شلال دموعها كأنها تواسيها أو تحضنتها
محدثة إياه

إنت عاوز تسافر وتسبني ليه بتحكي كل دا ليه بتقولي إنك
أخترت السفر

محمود : أنا جاي النهاردة علشان أقولك أنا مش هسافر أنا
مش هسيبك مقدرش أسيبك يا نور ... إنتي نور الروح...
لعنه فراق روحي دي لعنة ...الموت رحمة بلي يعيشها
يتمني الموت في كل لحظه علشان يترحم من كل ألم وكل
ذرة رعب وخوف بتهش في الروح مع كل شروق شمس
فراقك ظلما وأنا بخاف من الظلما من غيرك يا نور مع
بعض هنعدي المحنة حتي لو اخدت وقت بس هنعديها المهم
إننا نعديها وادنا في إيد بعض .

كان البحر يعتلي بأواجه كأنه يدفعها إلي حضن محمود
لترتمي بين احضانه لتحتمي من العالم .

وتخرج الكلمات منها

الله يلعنك يا مارك روح قابل ربنا بكل اللي الأذي الي حفرتة
في حياتك الله يلعنك .

حقي رجعلي منك حق الذل والوجع حق رقدته محمود لتبدأ
في ضرب الجثة دون وعي ويشدها أكرم وسارة
والمرضات لتسقط مغشياً عليها .

بعد ساعة تفوق نور لتجد سارة و اكرم بجانبها
نور بدموع لا تتوقف ... أكرم أنا عاوزه أدخل أشوفه....
عاوزه أشوف محمود
اكرم بنره تحمل ألم الخوف ألا منتهي ... حاضر يا نور ...
يا رب يحس بيكي .

- أنا متأكده أنه هيحس ... محمود حته من روعي يمكن
قعدت سنين علشان أفهم دا بس اكيد مش متأخر ..
صح قولي إنه مش متأخر .

أكيد ربنا خلصني من شر مارك علشان مبقاش خايفة
علشان يردلي محمود مستجدية منه الاطمئنان قولي صح.
أكرم ممسكا بيديها محاولا تهدئتها خير يا نور اطلبني
المعجزة من ربنا .

تدخل نور الي غرفة محمود تجلس بجوار سريره تحدثه
عارفة إنك زعلان مني حقك عليا وجعي غلبنى في لحظة
نفسي ضحكت عليا وقالتلي كبريانك ومن ناحيه تانية خوفت
من مارك بس هو خلاص مات مش هخاف تاني هواجه بيك
يا محمود .

لو هقولك كبريائي.. كبريائي ... إزاي مع روحي الوجد من
الروح للروح بيدبح .

وأحنا الإثنين إتبحننا زمان ولما جت الفرصة أننا نرجع أنا
فرطت فيها محمود متسبنيش ... متسبنيش يا حبيبي ..

أول مره أقولها من سنين يا حبيبي وتمسك يديه من وسط
الاجهزة لتحضنها وتبكي بكل عنف الألم الذي يحتضن
روحها تمر الساعات ونور ممسكة بيد محمود

لتدخل ساره لتجد نور محتضة يده ونائمة في نوم عميق و
دموعها لا تتوقف عن النزول حتي أثناء نومها

لتشعر وكأن عيون نور لم تعرف النوم بأمان إلا في يد
محمود .

تفوق نور علي صوت حركه سارة .. أنا أسفه أنا نمت من
التعب .

ساره مربته علي كتفيها ..حبيتي إنتي تعبانه روحي دلوقتي
علشان إبنك

- لا إبنى مع ماما والمربية

وسارة و في عيونها نظرة تحمل الأستغراب ... نور
إنتي لابسة أسود ليه أنا أسفه إنى مخذتش بالي اللى
أعرفه انك مش بتحبي الأسود في اللبس .

بصوت باكي ... بابا أتوفي أول إمبراح أنا سافرت علشان
كدا أتوفي وسابني ومحمود كمان عاوز يسبني لترتمي بين
أحضان ساره باكية .

تظل ساره محتضنها لدقائق تتحد فيها دموعهم معاً تردد
فيها ساره ادعيه يا نور ادعيه انتي حب عمره.
تسترد نور كلماتها من وسط دموع خوفها ... سبني مع
محمود يا ساره انا واثقة لما يحس اني جنبه هيحس ويفوق
ساره... انا هنزل اجيب لكي حاجه تاكليها وأطلع علشان
خاطري هتاكلي إتفقنا محمود محتاجنا كلنا جنبه ولازم
نقدر علشان بنحبه .

تخرج سارة من الغرفة لتفتح نور حقيبتها لتخرج دفتر
خاطرها الذي لا يفارقها منذ يوم الفراق لتسطر فيه
إلي قلب أحببته بكل ذرة روح وعشق إلي فارسي وجندي
مجهول

إلي من جعلني أذوق النور في بستان عينيه
إلي من كان ملجئي ومهربي في عنف طبول الحرب
إلي من كنت في يديه طفلة تتعلم الحياة
فكنت لها النور والطريق

إلي الجندي المجهول ومبعث قوتي
كم أهواك

كم تمنيت أن تسمعها الان
الله وحده يعلم كم تبقي لك من دقائق القلب الصامته تحت
أجهزة الحياة

أنت حصني من هشم الروح ومحاربي وحارسي
وهل من قبلة تعيدك للحياة ؟؟؟؟؟

تقوم نور بقراءة ما سطرته في دفتر خواطرها وهي ممسكة
بـيد محمود مرات عديدة

تشعر وكأنه يسمعها فعلاً ممسكة بيديه تدخل من بين
خراطيم الأجهزة لتحتمي بين أحضانه

في تلك اللحظة يتسارع جهاز دقات القلب ليعلو صوته
فيدخل الأطباء مسرعين ليتفجأوا بسرعة جريان الدم في
عروق محمود

- يا من أنت الروح والأرواح كالأجساد، وما قيمة
البدن أصلاً، وقد أعطيت الروح من زمن، فتعال
حتى أهب الروح أيضاً.

شمس الدين التبريزي

الفصل الأخير

البداية

بين لمحات من عالم الغيبوية في حياة رسمتها روح محمود
مع نور وبين تسارع دقات قلبه وسريان الدم في عروقه
كأنه يجذبه من جديد إلي الحياة بإحتضان نور له بكل ما
أوتيت من نور روحها

عادت الحياة إلي محمود في وسط ذهول الأطباء هرج ومرج
حدث في الغرفة مع إندفاع سارة وسحر وأكرم إلي الغرفة
نور تجلس محتضنة نفسها في خوف لا تعي أن محمود قد
عاد للحياة عيون محمود تفتح في بطئ محاولاً تذكر أي
شئ....

سحر والدته ممسكة يديه محمود إبني إنت فتحت أنت
شايطني صح

يحاول محمود تذكر اي شئ كل ما امامه شريط باهت من
الذكري فراق نور في المكتب سيارة نقل مسرعة ...
حياة جديدة مع نور لازال عقله لا يفرق بين الواقع والحلم
حتي لمحها في ركن الغرفة محتضنة نفسها تبكي في
الخوف كالطفلة الصغيرة قد انفصلت عن العالم خوفاً من أن
تسمع خبر فقدانها له .

مجاهداً ألمه العقلي يجمع صوته ليكون أول ما يخرج منه
هامساً... نور

لتصرخ سارة من السعادة محمود إنت فوقت نور يا نور

تنتفض نور من مكانها لتجد محمود مبتسماً لها في ألم
ترتمي بين أحضانه لتزيح عن عاتقها جبل من الخوف
بالبكاء

لا تتحدث فقط تبكي في أحضانه

هي تبكي ... محمود يستعيد وعيه بالتدريج يتذكر كل شئ
يطمن الجميع بابتسامة وهو لازال محتضناً لنور ونور تبكي
في صمت .

ينظر إلي نور بصوت ضعيف إنتي لابسة أسود ليه هما
قالولك إني مت ???

مكنتيش مصدقة إني هموت لو إنتي مشيتي تاني وأديني
كنت خلاص علي بعد خطوة من الموت حضنك اللي رجعتي
تاني للدنيا

نور من وسط دموعها ... أنا مكنتش ناويه أسافر بابا مات
يا محمود فجأه اول أمبارح راح من غير ما يودعني بدون
مقدمات وإستمرت في البكاء بعد ما مشيت من عندك في
المكتب وأنا في الطريق جالي إتصال من ماما بتستجند بيا
وبلغتني إنها حاجزة طيارة معادها بعد ساعة روجت بسرعة
للبيت ولمت حاجتي وخذت محمود إبني وطلعت علي المطار
وأنا في الطيارة إكتشفت اني نسيت الموبيل ولاني لا حافظه
رقمك ولا فكرت حتي أسالك الفيس بوك بتاعك معرفتش
أبلغك .

محمود محتضنا نور بشدة ... الله يرحمك يا عمو منير كنت
بحبه أوي .

بصوتها باكية.. وهو كمان كان يبحبك أوي .
محمود .. طيب وطنظ فريده فين دلوقتي وإبنك .
-عندي في البيت ماما رجعت معايا علشان الدفن هنا
وهترجع إنجلترا تخلص كل حاجه هنا ونستقر في مصر
هنفتح الفيلا تاني نقعد فيها مبقاش لينا حاجة خلاص هناك
بعد بابا .

محمود ممسكاً يديها ومحتضاً اياها أمام الجميع... نور
هطلبها منك تاني أدام الناس دي كلها صحيح المره دي
بطلبها منك وأنا مخرشم علي الآخر ولا الظروف مناسبة
بس معش بقي مش هينفع آخرها أكثر من كدا تتجوزني
يا نور ... تقبلي نرجع لبعض ونعيش اللي باقي من حياتنا
مع إبنك اللي هكون أب وصديق ليه ... تقبلي أكون شريك
حياتك اللي تستندي عليه عمرك الي جاي ؟؟؟؟

نور بكسوف وضحكة تتوالد علي شفيتها من وسط بحر
الدموع... موافقة... لتمسك يديه بكتله يديها وكأنها تعطيه
وعد انها لن تترك يديه بعد اليوم الي اخر العمر .

بعد مرور 3 اشهر

في حفل صغير في فيلا نور... نور مرتدية الفستان الأبيض
لتظهر كالملائكة في يوم مشرق بالنور .

محمود مرتدي بدلة الزفاف باللون الأبيض ممسكا يديها
بفرحة طفل أوّيت له حوريه من السماء .

وكان الزمن لم يمر وكان العمر لم يمضي به ما مضى من
وجع ترد الروح الي نصفها الاخر مع إرتفاع الزغاريد
والمباركات ليصبح نور ومحمود زوجان
الي آخر العمر

بعد مرور عده ساعات

يدخلان الي شقتهما التي بدأ في إعدادها منذ سنوات ولم
يسكن بيها محمود إلي هذا اليوم وبعد أن قاما بإعادة
تأسيسها لتكون عش زواجهما كما تمنا في الماضي
وكما تمننت نور كانت تجمع في تصميمها بين لوني الابيض
والاسود كما هي فلسفة حياتها

وفي غرفتهما التي تجمعهما لأول مرة في اللحظة الأولى
ينظر محمود الي نور

أخيراً بقتي مراتي يا نور

وبنبرة ملائكية ... أخيراً يا محمود أخيراً

محمود ناظراً في عينها النهاردة إنتي أميرتي..... روي
ردت ليا يا نور من تاني .

ليأخذها بين أحضانه بقوة ما مضى من عمر بدونها
وبإشتياق طفل الي عطر الحياة .

بعد مرور 3 سنوات

نور ومحمود يجلسان علي طاولة الطعام مع محمود الطفل
ونور ابنتهما الصغيرة التي أصر محمود علي يطلق عليها

إسم نور لتكون كنور في كل شئ يتناولان الطعام لا ينقطع
الضحك ما بينهما

تقوم نور إلي غرفتها لترد علي هاتفها تلمح دفتر مذكرتها
تتذكر أنها لم تكتب منذ زمن
تمسكه لتسطر فيه

دي كانت بداية الرحلة يوم ما محمود فاق من الغيبوية
ومنها إنطلقت لكل الرحلة قابلنا حاجات كثير صعبة ومواقف
عدت علينا أكلت من روحنا وإتمنا فيها سكون الموت بس
عدت وحل مكانها فرحة عمري كلها بمحمود وأولادنا
الحياة ممكن تأخذ منك حاجة بس علشان تعلمك تتمسك صح
حب الروح ملوش آخر وأنا روعي إرتببت بمحمود من قبل
الميلاد

ولحد ما بعد الموت

كل المواقف هتعدى أهم حاجة تعدي وإيدينا في إيد اللي
بنحبهم والجرح بيتنسى وينمحي طول ما جوه قلوبنا فرصة
جديدة للحياة .

تبتسم متذكرة كلام شمس الدين التبريزي الذي عشقته كل ما
كتب بسبب عشق محمود له

العِشْقُ بَعٌّ . فَاَنْعَمِر .

كُلُّ قَطْرَةٍ تَنْفَصِيلٌ ، عُمْرٌ مُسْتَجَدٌّ .

لم تنتهي الحكاية عند هذه النقطة يوجد ما بيننا الكثير من
محمود ونور

فحب الروح هبة من رب العالمين يعطيها لمن حمل في قلبه
نور الحياة لتضى الكون كله بجمال هذا الحب
والي اللقاء مع بداية جديدة

كل الحب والسلام لارواحكم الجميلة
نور البشرى

البداية

عيني عشقت روحك منذ وهلة الميلاد الأولي وكان روحي قد
خلقت عبر القرون لتكون نصفك الاخر لتكون نور الروح في
عتمة الطريق

مع كل الحب ... الكاتبة نور البشرى
والي اللقاء في رحلة جديدة في عشق الروح

للتواصل مع الكاتبة

nourelboshra@gmail.com

<https://www.facebook.com/profile.php?id=100009633219894&mibextid=ZbWKwL>

عن الكاتبة

نور البشرى لايف كوتش ومعلم من الأكاديمية الكندية
مستشار زواجي معتمد من الأكاديمية العربية للتنمية
الأسرية
حاصلة على دبلوم علاقات عامة و اعلان من كلية تجارة

كاتبة قصص قصيرة وخواطر
صدر لها رواية خيط ضعيف الكترونيا
رواية نور الروح تمت الطباعة ورقيا

نور الروح
دقات المطر في كل مكان تعلن عن
رفضها للفراق تنزل بكثرة وكأنها
السماء تبكي لعنة لفراق نور
في لحظة ما كان البحر يتعارك مع
الأوطار في مشهد مهيب كأنه
يرفض لحظة الفراق كانت نور
تقف في وسط انهماك المطر لتتحرك
مع سلال دموعها كأنها
تواسيها أو تحضنها
زابت الكلمات فأبي كلام يقال
بعد الظلام!
كان فراق نور ظلام لم تعرف
حياتي بعده نور
وفي غمرة السكوت كان موج
البحر يعتلي ياواجه كأنه يدفعها
إلى حضني وطعت نور الصمت
وسلال الألم لترتمي بين أعضاني
لأول وأخر مرة

